

CHL 4687/3P1

59

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 23 1932

Harvard College Library Imaging Services <http://imaging.harvard.edu>

CM 0	1	2	3	4	5	6	7	8	9	10	11	12	13	14	15	16	17							
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	42/57/29	82/4/79	51/50/-13	50/-28/-29	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68

欽定大清會典則例卷之一百十五



兵部

職方清吏司

詰禁

一保甲

國初定。凡州縣鄉城。每十戶立一牌頭。十牌立一甲長。十甲立一保正。每戶給印牌一張。書姓名丁數。出則記其所往。入則稽其所來。其客店亦令各立一簿。將每夜宿客姓名。所帶行李牲口。及作何生理。往來何處。逐一登記明白。至於寺

觀亦分給印牌。上書僧道人數姓名。稽察出入。如有奉行不力。或徒委吏胥。需索擾害者。叅劾。照例議處。○康熙二十五年題準。近京屯莊旗民雜處各州縣。將旗民均編立保甲。各立甲長。稽察盜賊。如有面生可疑者。卽拏送地方官訊究。倘甲內旗人爲盜。或屯領催窩盜者。卽解送刑部治罪。○三十六年覆準。八旗暨內府佐領下人。有在近京地方開窩者。亦令地方官編立保甲。令甲長不時稽察。如在地方生事。卽解送刑部治罪。○雍正四年

諭。弭盜之法。莫良於保甲。乃地方官憚其煩難。視爲具文。奉行不實。稽察不嚴。又有藉稱村落奇零。難編保甲。至各邊省。更藉稱土苗雜處。不便比照內地者。此甚不然。村莊雖小。卽數家亦可編爲一甲。熟苗熟獐。卽可編入齊民。苟有實心自有實效。嗣後不實爲奉行。作何嚴加處分。保正甲長及同甲之人。能據實舉首者。作何獎賞。隱匿者。作何分別治罪。著九卿詳議具奏。欽此。遵

旨。議準。嗣後每戶給印牌一張。書姓名丁數。偶有出入。必使注明。不許容畱面生可疑之人。若村落奇

欽定大清會典則例 卷之二百一十五 兵部
零戶不及數。卽就數編立。至熟田熟糧。已經向
化。應一例編立保甲。如地方官不實力編排。以
致盜賊窩藏。將州縣及營汛專管官。照不能察
緝姦民例。降二級調用。兼轄官。繫同城者。降一
級調用。不同城者。降一級畱任。能察出詳揭者。
免議。保正甲長牌頭。及同甲之人。果能實力察
訪。據實舉首。照捕役獲盜過半以上例。地方官
按名數酌量獎賞。倘牌頭於所管內。瞻徇隱匿。
事發之日。繫強盜。照不應重律。所責繫屬。分
別輕重。酌量懲警。若牌頭曾於甲長保正。應實
坐。

坐。不實轉首者。一經發覺。甲長照牌頭減一
等。發落。保正減二等。發落。牌頭免坐。若屯墾村
莊聚族百人以上。保甲不能徧察者。選擇族中
人品剛方者。立爲族長。如有匪類。令其報官究
治。倘瞻徇隱匿。與保正一例治罪。○五年覆準。
紳衿一例編入保甲。聽候稽察。如抗不遵依。比
照脫戶律治罪。地方官徇情不詳報者。照徇庇
例議處。其保正甲長紳衿免充輪直支更看柵
等役。亦準免。至齊民內有衰老廢疾及孤寡之
家。子孫尚未成丁者。均準免支更看柵。及一應

差徭。○又覆準。各處大小船。易於藏姦。令地方官取具船戶鄰右保結。編列號數。於船兩旁。刊刻某處船戶某人姓名。給以執照。該船戶持照攬載。地方及營汛官弁。不時稽察。其採捕漁船。姦良更難分辨。照陸路保甲之例。以十船編爲一甲。一船有犯盜竊者。令九船公首。若隱匿不報。事發將同甲九船。一并治罪。至漁船停泊之處。百十成羣。多寡不等。十船一甲之外。如有餘船。卽以奇零之數。編爲一甲。地方及營汛官弁。隨時留心點驗。不得虛應故事。○又覆準。保正。

甲長。準免本身差徭。如有借名武斷鄉曲者。嚴察革究。一切戶婚田土。不許干與。專一稽察盜賊及人命。賭博等事。○又覆準。保甲之法。苗民謂之合椿。除隔省。並生苗地方。或村寨相遠。不必合椿外。其村寨附近。令其合椿防守。○十一年議準。臺屬多流寓之人。除立有產業。兼有父母妻子者。自有十家甲牌可稽。其並無家室產業。如佃戶。傭工。貿易之類。取具業主。房主。鄰右保結。附於甲牌之末。彙報以備稽察。○乾隆二一年議準。編立保甲。原爲消弭盜賊。務令保正甲

長逐戶稽察。如有踪跡可疑者。卽行呈報。倘有
贍徇隱匿。按律治罪。至於塘汛兵丁。原非徒供
差使。實爲弭盜安民而設。各該督撫提鎮。飭令
營汛官弁。嚴飭塘汛兵丁。晝則循環守望。夜則
輪流巡邏。如遇行踪詭秘。逐加盤詰。若有搶截
刦掠。不能救護擒拏。甚至盜賊出沒。漫無知覺
者。除將兵丁斥革。重加責懲外。該管官知情徇
隱者。降三級調用。失察者。罰俸一年。○四年議
準。貧民入四川者。聽其散居各府州縣。佃種者。
令業主出結。貿易者。市鄰出結。依附親故者。親

族出結。寄居寺廟者。留居之地主出結。與土著
一并編入保甲。互相覺察。如有生事可疑之人。
許原出結。並鄉保鄰右人等首報。○又議準江
南浙江福建府州縣內。搭棚山居。以墾地種麻。
煽冷開爐造紙。做菰等項。爲資生計者。其開土
著甚多。亦有鄰省失業流寓之人。均照保甲例。
按戶編排。責成地主。並保長。出具保結。倘居住
星散。不論棚數多寡。自爲一甲。互相稽察。○又
議準廣東州縣民人。有入山搭寮。取香春粉。砍
柴燒炭。爲業者。照保甲例編排。每寮給牌一張。

欽定大清會典事例 卷之二百一十五 五
令寮人互相保結。擇老成謹慎者爲寮長。寮戶聽其鈴束。遇有遷移加增。寮長及互結之人將牌赴縣更正。倘窩藏姦宄。容隱不報者。發覺連坐營汛官弁。每月撥兵巡察一次。不許生事擾累。內有未經報官搭寮居住者。卽送文職官察審。如漫不經心約束。以致窩藏姦匪者。照例議處。○八年奏準。山西陝西邊外蒙古地方。種地民人甚多。姦良難分。卽於種地民人內。擇其誠實者。每堡設立牌頭四名。總甲一名。令其稽察。○十二年題準。浙江玉環山管轄島嶼。所有居

住民人。一例編立保甲。並分別是農是漁。不許濶雜。○十三年覆準。山西陝西邊外。設立牌頭總甲。令其稽察姦匪。如有罪犯。逃往蒙古地方行竊。並情有可疑之人。卽稟報該管官。解回原籍。該管官於春秋二季。取具牌頭總甲。並無容隱。甘結注冊。

一緝盜。順治初年定。武職各官。諱盜不報者。革職。○又題準。營汛官弁。能獲大盜窩家者。紀錄二次。獲小盜窩家。督撫提鎮酌量給賞。如不實力察訪。別經獲盜。供出窩家。將該管專汛官罰

俸一年。○十八年題準山海大盜千百成羣攻陷城池官弁臨陣敗遁該督撫提鎮題參照律治罪。○又題準鎮店路塗被盜劫失餉鞘將護送營汛官弁革職。○康熙四年題準盜案疎防將經制專汛官題參不得以外委官題參塞責。○五年議準營汛官弁遇有盜案繫殺人劫物者務訊問明白一面追捕一面申報該管之土司以便通行緝拏若不申報或借名擒勦殺害良民者該官弁革職提問該提鎮於此等劣員不申報總督及總督不卽題參者總兵官降一

級畱任提督罰俸一年總督交吏部議處如無總督省分聽提督題參無提督省分聽總兵官題參。○又議準盜案失事限年緝拏各官若將未獲盜犯捏報死故者革職兼轄官不詳察轉報者罰俸一年督撫提鎮不詳察具題者罰俸六月。○七年議準城內被盜劫掠殺傷官民並搶奪倉庫獄囚者專汛官住俸限一年緝拏全獲開復限滿一名不獲降一級調用獲未全者降一級畱任再限一年緝拏全獲開復如仍未全獲但能獲過半者再降一級畱任未獲盜犯

照案緝拏全獲開復如二年限滿獲盜尚不及半降二級調用若能於一月內獲盜一半者停升未獲盜犯限一年緝拏全獲免議限滿仍不全獲降一級畱任未獲盜犯照案緝拏全獲開復同城兼轄官皆照此例議處其同城副叅等官作統轄題叅者照兼轄官例議處不同城兼轄統轄官初叅罰俸六月限一年緝拏限內獲一半者免議未獲盜犯照案緝拏若限滿不獲罰俸一年仍令照案緝拏同城提鎮罰俸六月限一年督緝限滿不獲罰俸一年○九年議準

姦細出入境內專汛官不能察拏者降四級調用兼轄官降二級調用○十年題準總督題叅盜案本省限四月兼管省分限六月巡撫提鎮題叅盜案限四月均以失事之日為始扣算具題如有逾限專責具題之督撫提鎮計月處分不分坐屬官○十一年題準盜賊偽稱名號侵犯城池者事屬叛逆專汛兼轄各官皆革職總兵官降二級調用提督降二級戴罪圖功若盜賊聚集一二百人豎旗放礮焚燬鄉村搶劫擄殺者專汛官革職兼轄官降二級調用總兵官

降二級。提督降一級。皆戴罪圖功。聚集六七十人。焚燬鄉村。搶劫擄殺者。專汛官革職。兼轄官降二級。總兵官降一級。皆戴罪圖功。提督罰俸一年。至盜賊聚集地方。鄰近之提鎮。並駐防官。及副參游各官。不親領兵勦滅。止差守備千把總。未弁前往者。各降二級調用。其專汛兼轄。統轄各官。聞有盜賊聚集。不遞行申報者。皆革職。督撫提鎮聞報。不遣官兵會勦。以致賊勢蔓延。官兵失利者。皆降三級調用。若有此等盜賊竊發。卽能勦撫淨盡者。皆免議。又議準地方道

路村莊被盜失事。其設有墩舖駐兵者。專汛官住俸限一年。緝拏兼轄官罰俸六月。限一年。緝限滿不獲。專汛官降一級。畱任。緝限一年。緝拏兼轄官罰俸一年。盜犯照案緝拏。緝限一年。專汛官仍畱任。再限一年。緝拏。如再不獲。緝限一年。緝拏。若繫偏僻村莊。曠野道路。向未設墩舖防兵者。專汛官停升。兼轄官罰俸三月。緝限一年。緝拏。限滿不獲。專汛官罰俸一年。再限一年。緝拏。兼轄官罰俸六月。三限不獲。專汛官罰俸二年。再限一年。緝拏。四限不獲。專汛官降一

級畱任。盜犯照案緝拏。其副叅等官作統轄題
叅者。照兼轄官例議處。若兼轄統轄官獲盜一
半者。免議。專汛官獲盜過半。兼獲盜首窩家者。
亦免議。至失事地方。有無墩鋪防兵。該督撫提
鎮。於題叅本內聲明。以便分別察議。○又議準。
道路村莊。被盜失事。毋論有無墩鋪防兵。提鎮
皆不議處。○又議準。奉差及赴任官員。被盜失
事。無護送官兵者。專汛兼轄官照地方被盜失
事例議處。有護送官兵者。若在該管地方。又繫
官兵護送。將

降一級畱任。統轄官罰俸一年。若被殺擄無護
送官兵者。專汛官降二級。調用兼轄官降一級。
畱任。統轄官罰俸一年。有護送官兵者。專汛官
革職。兼轄官降二級。調用統轄官降一級。畱任。
○又題準。盜賊行劫。事主於本日。或次日據實
呈報。該管官不卽接受。或接受不卽申報。及接
受呈報不卽緝拏。或追及盜賊不能擒獲。致令
脫逃。或不親身追捕。差弁兵前往者。皆革職。
若事主二三日呈報者。盜賊已經遠遁。止照地
方被盜失事例議處。至附近營汛各官。事主呈

報不卽接受者革職。如以非本管營汛不卽緝拏。或追及盜賊不能擒獲。致令脫逃。或不親身追捕。止差弁兵前往者。降一級調用。其盜賊經追營汛該管官止追出界外不能緝拏。及不親率官兵追捕。止差弁兵前往者。降一級。重任該督撫提鎮於題參疎防等內。將管官曾否接受。申報。及曾否親身追捕。情由聲明。如含糊隱飾。後經察出。將其題之督撫提鎮罰俸一年。○又題準。盜案疎防。不將經制專汛官職名開報。僅以外委開報者。開報官降二級調用。轉報官降

一級。畱任。具題官罰俸一年。○又題準。營標協中軍官。經管錢糧。不作兼轄。若失事繫該員管汛地方者。仍照例題參疎防。○又題準。盜案失事。因公出境之官。皆免議。○十五年題準。該管營汛內。遇有盜案。彼此推諉不報。皆照諱盜例議處。如已經申報。復又推諉者。推諉官降一級調用。轉詳官罰俸一年。○二十一年議準。

京城巡捕營。有搶奪路行婦女。及以藥物邪術。迷拐男婦子女者。失察專汛官。罰俸一年。兼轄官。罰俸六月。有匿名揭帖。黏貼通衢。專汛官不察

拏者。罰俸一年。兼轄官罰俸六月。○三十二年奉

旨。官弁兵丁。有擒拏盜賊中傷。及傷亡者。皆照陣亡例。分別卹賞。○三十五年覆準。盜案處分。有加級紀錄者。皆準抵銷。若於限年緝獲之後。捐有加級紀錄者。不準抵銷。○三十六年議準。督撫提鎮題報盜案。將獲盜月日備載本內。如不詳明具題者。罰俸一年。○三十七年議準。盜案均於限內題參疎防。其有強竊仇盜疑似未明者。限內報部存案。俟文職審明如實。繫被盜卽將疎防各官察參照例議處。○四十一年議準。近京地方。被盜失事。不先報地方官。徑自報部。遷延將日致盜逃脫者。槩不準行。○又議準。

京城巡捕營地方。竊賊掘門掘壁。偷竊財物。在該管營汛內拏獲。或經別管營汛官兵拏獲者。免議。若經民人拏獲送究者。將該管官罰俸三月。○又議準。

京城前三門關廂內。被盜失事。將專汛守備兼轄叅將游擊。皆降二級畱任。仍罰俸一年。該汛千把總。送部各責四十板。馬步兵各責四十板。皆

限一年緝拏不獲。專汛兼轄各官皆降三級調用。千把總革職。兵丁革糧。送刑部枷四十日。責四十板。盜犯交與接任官限一年緝拏。○又覆準。

京城前三門關廂內盜賊白晝搶奪財物傷人致死。該管營汛官弁當時全獲。及一月內全獲者免議。一月內獲一半者專汛官罰俸一年。兼轄官罰俸六月。如一月內無獲。專汛官降二級調用。兼轄官降一級調用。加級紀錄。不准抵銷。盜賊交接任官照案緝拏。該汛兵責四十板。直省

城內盜賊白晝搶奪財物傷人致死。該管營汛各官照城內被盜失事例議處。○又題準。盜賊潛匿居住。該管地方不能察拏。別經被獲。供出從前居住地方。將該管專汛官降二級調用。兼轄官同城者降一級調用。不同城者降一級留任。統轄官亦降一級留任。○四十二年議準。

京師五城地方光棍。借端挾詐。勒騙錢財。攪擾市肆行兇者。責成巡捕營官弁察拏。如知情不察。拏者革職。得財私放。捏稱逃脫者。革職。同兵皆交刑部治罪。失察者。將該管叅將游擊各罰俸

一年守備千總把總各降一級調用。至守備千總把總拏獲光棍不卽送叅將游擊衙門叅將游擊不卽送步軍統領者皆罰俸一年統領不速審結經稽察御史叅奏按遲延月日議處。○又議準王公大臣官員等家人領本生理霸占關津要地倚勢網利不令商民貿易挾制有司十與辭訟肆行不法及民人借貸王公大臣官員等銀指名貿易欺凌地方該管專汛官不察拏者革職兼轄官降一級調用統轄官罰俸一年。至有此等霸占之事差官訪察仍復徇隱不

據實申報者革職。○四十二年議準守備不兼轄至水師守備有帶兵輪防哨巡之責盜案疎防同叅游一例議處。○四十五年覆準老瓜賊肆行不法營汛官弁差兵在該管地方晝夜更番巡緝如不實力巡緝責四十板知情故縱者照窩藏容隱例治罪能拏獲並出首者照拏獲鄰境盜賊例給賞如營汛官弁不能稽察致兵懈於巡緝降一級調用若能拏獲別汛老瓜賊照拏獲鄰境盜賊例議敘。○又議準道路掩埋無主身屍有被勒截傷形跡繫老瓜賊謀害

察驗確實。將專汛兼轄統轄官題參疎防。照地方被盜失事。設有墩舖防兵之例議處。倘盜以仇盜未明。詳請立案者。照諱盜例議處。○五十年議準。

京城前三門關廂內。被盜失事。一年內獲不及半者。專兼各官皆免議。加一年內獲不及半者。專兼各官仍照例議處。○五十二年議準。官員兵丁有擒拏盜賊中傷平復能當差者。仍照陣亡例給賞。若中傷殘廢不能復當差者。照八旗兵丁例給與半分身價。○雍正元年議準。直隸道路

捕盜同知地方被盜一失事。捕盜千把總於失事之日。卽住俸。停升一年。限滿不獲。責二十棍。獲開復。如該汛地方三年並無盜案。或三年內凡有盜案。均能全獲者。該督察明具題。將千把總不論俸滿。以應升之官卽用。○又議準。廣東將軍督撫提鎮標下官弁。有貼防地方者。若附近村莊河道失事。將貼防官兵并參。照專汛一例議處。○又議準。地方不逞之徒。歛血結盟。爲盜。專汛官不察拏者。革職提問。如平日失察。一遇發覺。卽能擒獲者。免議。○二年議準。失事隱

諱不報。或以強爲竊。以多爲少。賄囑事主。通同
隱諱者。專汛官革職。兼轄統轄官。扶同隱諱者。
降三級調用。如止繫失察。同城者。降二級調用。
不同城。百里以內者。降一級調用。百里以外者。
降一級畱任。提鎮知情者。降一級畱任。失察者。
罰俸一年。均於題叅本內。將知情失察。及同城。
不同城。並道里百里內外。逐一聲明。分別議處。
如專汛官隱諱。兼統各官。察出申報者。免議。○
三年議準。盜案必有爲首之人。承緝專汛官。務
獲盜首。如盜首初限不獲。雖獲盜過半。仍罰俸

一年。再限不獲。罰俸二年。三限不獲。降一級畱
任。如盜首果繫病故。有確據者。準免議處。若假
借別州縣所獲之盜。指爲本案盜首。或先報盜
首脫逃。後經審出。仍在該地方隱匿。或捏報盜
首病故。後於別案發覺者。假借隱匿。捏報官。照
諱盜例革職。○又議準。承緝官。能將一案盜犯
全獲者。紀錄二次。○又議準。營汛官。能於一
月內。拏獲鄰境失事案內盜首者。加一級。紀錄
一次。拏獲夥盜者。每一名紀錄一次。一月以外。
拏獲鄰境失事案內盜首者。加一級。拏獲夥盜

卽獲盜過半。兼獲盜首者。專汛。兼轄。統轄官。皆免議。或經營汛。及州縣各官。當卽獲盜過半。兼獲盜首者。專汛。兼轄。統轄官。亦皆免議。未獲盜犯。而本營。○又議準。解官押運餉鞘。潛行小路。不出大道。並不執票。赴營汛。挂號撥兵護送者。遇有失事。該營汛官。止照地方被盜失事例議處。○六年議準。

京城巡捕營有奉

旨緝拏要犯。並關繫重大盜賊等犯。脫逃。經管應捕之官。城外者。責成專汛官。住劄。限一年緝拏。一

月內拏獲者。免議。一年限滿不獲。降一級調用。犯人。交接任官緝拏。若非經管應捕之官。能於一月內拏獲者。一名。紀錄二次。一月以外拏獲者。一名。紀錄一次。○又議準。地方被盜失事。外委千把總。停其拔補。限一年緝拏。限滿不獲。責二十棍。再限一年緝拏。三限不獲。革去頂帶。仍限一年緝拏。四限不獲。革去外委。盜犯交與接任官。照案緝拏。若能限內拏獲過半。兼獲首窩者。免議。獲盜過半。首窩未獲者。仍照例按限叅處。○又議準。餉鞘到境。如解官欲就小路行走。

不遵營汛官弁勸阻。該營汛官弁卽詳報督撫提鎮題叅。如希免護送。聽其行走小路。將該營汛官弁。罰俸一年。其解官執票赴營汛挂號。該營汛官弁。不照定數撥兵。及所撥之兵。中途私回者。解官徑報該督撫題叅。將該營汛專管官弁。罰俸一年。兵責革。○七年議準。衙署被竊。該員據實申報者。免議。其承緝承審之文職。仍照竊賊例處分。若諱匿不報。將該員降一級畱任。限一年緝拏。獲賊開復。一年限滿不獲。降一級調用。○八年議準。城內及地方被盜失事。該提

鎮。照定限察。取疎防職名。開報總督題叅。無總督省分該鎮。開報提督題叅。無提督省分該管兼轄統轄官。開報該鎮題叅。如逾限不開報者。罰俸六月。○又議準。前官諱盜之案。接任官於到任三月內。察出揭報者。免議。如逾限不能察出。別經發覺。將接任官革職畱任。接任兼轄官同城者。降一級畱任。不同城者。罰俸一年。到任未及三月者。免議。接署官亦照此例議處。○又議準。前官去任。未獲盜犯。交與接緝官。限一年緝拏。限滿不獲。罰俸一年。盜犯照案緝拏。限內

但能獲盜。雖不及半。亦免議處。獲過半者。紀錄二次。全獲者。紀錄三次。若盜止二三名。接緝官於一年限內。拏獲一半。兼獲盜首。及獲盜過半者。免其議處。仍紀錄二次。其僅獲一半。盜首未獲者。止免議處。毋庸議敘。○又議準。盜賊遠颺他省。潛匿居住。已有實據。經失事地方官。關移察緝。該管專汛官。不實力協拏。致令輾轉窩藏。鄰境者。降二級調用。○九年議準。衙署被盜失事。專汛兼轄統轄官。皆照城內被盜失事例議處。○又議準。衙署被盜失事。據實申報者。該督

撫提鎮。依限題叅疎防。照例議處。諱盜不報者。革職。仍畱原任地方。勒令出資懸賞。與接任官。協同緝拏。俟獲盜過半。準其回籍。○十年議準。盜案疎防。均照該督撫提鎮題本議結。有應開復者。卽準開復。應議處者。卽行議處。皆知照刑部存案。如題審覆覈之時。有諱報。捏報。等弊。將專汛兼轄統轄官。各照本例處分。○十一年議準。拏獲盜犯。供出先次行劫之處。審明。卽爲行察。若事主已經呈報。將專汛各官。照諱盜例議處。事主未經呈報。或失事未有實據者。該督撫

提鎮取具專汛兼轄統轄各官並無諱盜印結報部無容察駁卽照疎防例議處○又議準諱盜之案若盜全獲者各官皆免議○十二年議準竊賊一夥至十人以上雖不行強營汛官弁不能察拏照強盜例以疎防例察叅○又議準盜竊田野穀麥果菜及器物無人看守者專兼各官皆免察叅○十三年議準盜首未獲除見在勒緝限內例應扣限察叅者仍逐案察叅外至勒緝年限已滿照案緝拏後該督撫提鎮於年終彙題將承緝接緝督緝各官一年內已獲

幾名未獲幾名詳晰聲明二三名不獲者○六月四五名不獲者罰俸九月○又議準凡遇十人以上竊案獲者罰俸一年○又議準凡遇十人以上竊案以獲犯訊供之日起限將疎防各官察叅○又議準因公出境各官遇有盜案疎防及失察等事該督撫提鎮將該員於何月日因公出境之處聲明報部如並未因公出境之處分者革職徇情轉報官降二級○又議準調及有事故離任之人原任內遇有盜案失察等事果繫因公出境接任官察叅○又議準

鎮報部。倘不具詳。誤將職名直送者。罰俸一年。轉報官罰俸六月。○乾隆元年奏準。

京師五城地方。設立柵關。每處巡捕營撥步兵三名看守。每日定以二更為度。不許夜行。以防盜賊除奉

差遣。及部院衙門差遣外。遇有... 行走之人。並緊要等事。有... 無故夜行。該兵... 軍統領衙門。責... 棍結夥輪姦婦女... 之案...

汛官照盜案例。扣限四月。察叅。其初叅以後限內。仍不能獲。將專兼各官。皆照地方被盜失事例。分別議處。倘專汛官諱匿不報。及該上司徇隱不叅。照諱盜例。分別議處。○又議準。地方有兇徒。結黨生事。或雇募多人。持械肆橫。該管專汛官。知情故縱者。革職。失察者。降一級留任。○又議準。弁兵拏獲鄰境竊犯。該管官察其所獲多寡。酌量記功鼓勵。○四年議準。

京城巡捕營地方竊案。止將專汛官議處。兼轄官免其叅劾。○又議準。盜入城內。搶奪倉庫獄囚

者。不同城之提鎮。亦罰俸六月。○又議準。承緝接緝官。能於照案緝拏之後。年終彙題之先。獲盜三名以上者。紀錄一次。六七名以上者。紀錄二次。督緝各官。總計所屬之地方盜案。一年內獲盜不及一半者。罰俸六月。過半者。紀錄一次。若承緝接緝督緝官。一年內拏獲之數。與不獲之數相當。功過相抵。無庸議處。議敘。至彙題一次之後。卽免重複叅處。盜犯照案緝拏。○又議準。官員該管營汛內。有竊賊臨時拒捕傷人者。若賊無獲。並雖獲賊。爲首及下手之人未獲者。

將專汛兼轄各官。題叅疎防。勒限緝拏。照盜案失事例。分別議處。其已獲爲首及下手之人者。免叅疎防。未獲賊犯。照案緝拏。如於限內。將案內賊犯全獲者。紀錄二次。○又議準。道路村莊。盜賊白晝搶奪財物。傷人致死。若犯未獲。及雖獲犯。而爲首。並下手之人未獲者。該管營汛各官。照地方被盜失事例。議處。已獲爲首及下手之人。雖夥黨未全獲者。免叅疎防。○六年奏準。京師五城巡捕營地方盜案。於報官之日爲始。扣限三月緝拏。若逾限無獲。都察院會同步軍統

領題叅。○又奏準。城內被盜失事。外委千把總。初叅停其拔補。限一年緝拏。限滿一名不獲。革退外委。獲未全者。革去頂帶。再限一年緝拏。全獲開復。獲過半者。仍畱外委。未獲盜犯。照案緝拏。全獲開復。如二年限滿。獲盜尚不及半。革退外委。未獲盜犯。交與接任官。照案緝拏。○又奏準。被盜失事地方。原未設有經制專汛官。止令外委巡防者。督撫提鎮。於本內聲明。止將外委官題叅疎防。○又奏準。兼轄官統計一年之內。所屬各員。有拏獲鄰境盜犯。議敘至加一級。或

糾緝四次者。由督撫提鎮。察明咨部。將兼轄官糾錄一次。再有多者。照此遞加。○又奏準。被盜失事官員。因公出境。經該管上司。委官署理營務者。遇有盜案。該督撫提鎮。於叅本內聲明。免其承緝處分。回任之後。照接緝官例。察議盜犯。照案緝拏。若繫暫行差委。未經委官署理營務者。仍照承緝官例。察議。○又奏準。署印官。繫題署咨署者。照承緝官例。察議。若暫行委署者。照離任官例。罰俸一年。該督撫提鎮。於題叅本內。聲明。分別察議。○又議準。地方有仇盜未明之

案該管專汛官協同文職緝拏以呈報之日爲始限三月內訪察明白若不能察出仇盜實情者罰俸三月仍限一年緝拏限滿不獲照文職緝兇不力例議處○八年題準

京城巡捕營地方緝案以失事之日起限四月緝拏限內全獲及獲賊過半者免議限內無獲及獲不及半者將專汛官住俸限一年緝拏竅全獲或獲過半皆準開復若逾限不獲將專汛官罰俸一年賊犯照案緝拏○十年議準採生折割之犯殘忍狠毒該營汛官并有能拏獲正犯

者照拏獲鄰境首盜例議敘督緝之該管上司照協同拏獲之例議敘如犯事地方不能察拏經別營汛拏獲者將該管專汛及兼轄各官照不實力編排保甲例分別議處若此等兇犯潛匿該管營汛地方不能察拏或捏稱並無別處關會該管營汛官並不察拏或捏稱並無其人者照諱盜例革職○十五年議準地方有關涉叛逆之犯向例承緝督緝各官均限以三年緝拏今減去一年將承緝之專汛官革職戴罪限二年緝拏不獲降二級調用犯人照案緝

拏督緝之兼轄官降二級。戴罪限二年緝拏。不獲降一級調用。統轄總兵官罰俸一年。其接緝協緝各官以案發之日計算。如未滿二年停其升轉緝拏。埃滿二年將各官罰俸一年。犯人照案緝拏。以上各官若遇有

恩赦免其處分。承緝者仍停升轉。照例勒限緝拏。以案發之日算起。計滿三年開復。接緝協緝者不停升轉。犯人照案緝拏。○十六年議準。武職各官緝盜是其專責。地方一有盜案。勒限緝拏。不獲議以降調。惟是緝限未滿。遇有事故離任者。

向照離任官例。罰俸一年完結。以致限期屆滿。例應降調之人。亦得借告請病假名色。圖倖免嗣後武職及衛所各官承緝盜案除奉

特旨升調與迴避別補及別案革職降調。丁憂治喪等事離任者仍照離任官例處分。至告請病假並終養者如初叅未獲例應住俸。處分既輕。爲期尙遠。亦照離任官例議處外。其二叅三叅例應降一級畱任者。遇有病假終養離任。卽議以補官日降一級畱任。三年開復。四叅例應降一級調用者。遇有病假終養離任。卽議以補官日

降一級調用。該督撫提鎮將各該員因何事離任之處。於題咨內隨案聲明。以憑覈議。○十七年議準。鄰境官弁有能拏獲發塚見屍爲首兇犯。每名紀錄一次。拏獲四名以上者。加一級。

一捕逃。順治十一年議準。衛所及營汛官弁獲解八旗逃人十五名者。加一級。三十名者。加二級。兼轄官視其所屬。有獲解逃人三十名者。加一級。六十名者。加二級。統轄總兵官所屬。有獲解逃人四十五名者。加一級。九十名者。加二級。提督所屬。有獲解逃人二百名者。紀錄一次。四

百名者。加一級。再有多者。各照此遞加。總以一年一敘。若不至加級。紀錄之數者。又并一年議敘。仍不足者。將前一年獲解之數截去。仍畱一年獲解之數。於次年接算。不準三年合算。○又議準。官員拏獲八旗逃人。詳報總督提督。給咨遞解。屬巡撫總兵官轄者。詳報巡撫總兵官。給咨遞解。該督撫提鎮。均於每年四月內。將所屬官弁獲逃數目。造具清冊二本。一送部備案。一送刑部。俟刑部覈明。咨部議敘。○康熙四十一年議準。

京城巡捕營守備千總把總拏獲八旗逃人至六十名者。加一級。叅將游擊督率屬員拏獲逃人至百二十名者。加一級。再有多者。照此遞加。○又議準。近京地方。有賣身旗下之人。原有房產。守分度日。於民人並無擾累者。許令居住。原無房產者。均令伊主收回。若倚仗賣身旗下恣意橫行。把持武斷。賭博姦淫。窩盜勾逃。許訟作證。擾累民人者。該管專汛官申報上司。照逃人例察拏。送部治罪。若仍容居住。不行申報。專汛官罰俸一年。兼轄官罰俸六月。統轄官罰俸三月。

○乾隆三年議準。八旗逃人居住衛所營汛地方。該管官並不察拏。別經發覺捕獲。察其居住未過六月者。免議。已過六月者。該管官降一級。畱任。過一年者。降二級。調用。倘知情容畱居住。不察拏者。革職。至兼轄官視其所屬。二年內有一官失察逃人者。罰俸一年。二官失察逃人者。降二級。畱任。三官失察逃人者。降二級。調用。統轄總兵官所屬。二年內有一官失察逃人者。罰俸九月。二官失察逃人者。罰俸一年。三官失察逃人者。降一級。畱任。四官失察逃人者。降二級。

畱任。五官失察逃人者。降二級調用。提督所屬。二年內。有四官以下失察逃人者。皆罰俸六月。五官以上失察逃人者。降一級畱任。○五年議鞫。駐防逃人居住地方營汛官弁。接到該旗及各衙門移會。卽差兵役。協同拏獲者。免議。如不差兵役協拏。以致脫逃。察繫居住六月以內者。將該員罰俸二年。至失察居住過六月。一年。及知情容畱。仍照例分別議處。

一緝私。順治年間定。地方行使廢錢。專汛官不察拏者。一起。降二級調用。二起。降四級調用。至

三起者。革職。崇禎十七年題準。大夥賣販私鹽。至十人以上。帶有軍器。專汛官徇縱不拏者。革職。兼轄官降二級調用。失察者。專汛官革職。匪任。兼轄官降二級。匪任。皆限一年緝拏。獲半。卽準開復。限滿不獲。專汛官革任。兼轄官降二級調用。其本汛雖未拏獲。經別汛全獲。亦免議。不全獲者。仍照例議處。○又議準。官弁一年內。拏獲十人以上。帶有軍器。大夥私鹽者。一起。紀錄一次。二起。紀錄二次。三起。加一級。四起。加二級。至五起者。不論俸滿。卽升兼轄官。視其所屬。

一年內有拏獲三起者紀錄一次六起紀錄二次九起加一級再有多者照此遞加○三十九年覆準私鹽拒捕能全獲者各官皆免議若夥黨衆多不能全獲或獲二三名及兵被殺傷專兼各官初叅免其處分限一年緝拏限滿不獲專汛官罰俸一年兼轄官罰俸六月統轄官罰俸三月鹽犯照案緝拏○四十四年議準小夥販賣私鹽不及十人及十人以上不帶軍器者專汛官失察一次降二級二次降四級皆畱任至三次者革職兼轄官一次降一級二次降二級

級三次降三級皆畱任至四次者降三級罰用○雍正三年議準地方私鑄錢及將制錢私燬專汛官知情者革職治罪失察者一起降三級調用二起革職兼轄官一起降一級二起降四級皆調用至三起者革職統轄官一起降一級二起降二級三起降三級皆調用至四起者革職提鎮一起降一級二起降二級三起降三級皆畱任四起降四級調用至五起者革職如有從前失察今能拏獲不論年月遠近免議文職拏獲同城之武職並免議交界之所經別屬之

員拏獲者亦免議。其拏獲私鑄私燬不論本管及別屬地方一起紀錄一次。二起紀錄二次。三起紀錄三次。四起加一級。○又議準經紀鋪戶將私錢販賣攙和行使不察拏之專汛官一起降三級調用。二起革職。兼轄官一起降二級。要任。二起降四級調用。至三起者革職。統轄官一起降一級。二起降二級。皆畱任。三起降三級。調用。至四起者革職。提鎮一起罰俸一年。二起降一級。三起降二級。皆畱任。四起降三級。調用。至五起者革職。船戶夾帶私錢者一併論罪。

職失察者降三級調用。○六年議準地方礦徒私自聚集該管官知情隱匿者革職。平日失察及經發覺並不實力察拏以致全無捕獲者降三級調用。獲不及半者降二級畱任。限一年緝拏全獲開復。限滿僅獲半者降一級調用。獲不及半者降二級調用。未獲之犯交與接任官照案緝拏。如一經發覺比卽獲犯過半降一級畱任。餘犯限一年緝拏全獲開復。限滿仍止獲過半者罰俸一年。餘犯照案緝拏。○十年議準山東山西河南等省出產硝黃有結夥私行販賣

者。不論出產及經過地方。失察之專汛官。照失察小夥私鹽例議處。船戶夾帶者。押船官照夾帶私鹽例議處。○乾隆六年奏準。失察小夥私鹽。降級畱任各官。限一年緝拏。限滿無獲。專汛官罰俸一年。兼轄官罰俸六月。各帶所降之級。再限一年緝拏。限滿無獲。專汛官再罰俸一年。兼轄官再罰俸六月。各帶所降之級。鹽犯照案緝拏。○十四年奏準。天津。阿城。淮安。儀徵等處。原繫產鹽地方。該督撫轉飭地方營汛官弁。於糧船經過之時。嚴行稽察。舵丁水手。應需食鹽。

每船總不許出四十斤之外。如不實力稽察。以致舵丁水手。夾帶過四十斤以外者。運官照例議處。該營汛官弁。罰俸六月。○十六年議準。各省武職官弁。經上司委辦鹽務。卽有緝私。疏引之責。遇失察大小私鹽。將承辦官。照專汛例議處。總辦官。照兼轄例議處。如拏獲大夥私鹽。照所獲起數。分別議敘。

一禁賭。原定。官員賭博。及開場容畱賭博者。皆革職治罪。○雍正九年議準。稽察屬官賭博。專汛官。責之兼轄官。兼轄官。責之統轄官。如明知

不揭叅者。別經發覺。將稽察官降三級調用。若失察繫同城者。降一級留任。不同城者。罰俸一年。察出揭叅者。免議。○又議準。地方有製造賭具之家。不察拏者。專汎官革職。兼轄官革職。留任。統轄官降一級留任。若繫舊製賭具。藏留在家。專汎官在任半年。不察拏者。降一級調用。○又議準。地方有製造賭具之家。經官奔拏獲。察繫新製。未及半年者。專汎官加二級。兼轄官加一級。統轄官紀錄二次。○又議準。地方有描畫緝牌之家。不察拏者。專汎官降一級。兼轄官罰

官降一級。留任。統轄官罰俸一年。若將描畫牌。出境販賣。販賣地方。專汎官不察禁者。罰俸三月。拏獲之員。照拏獲賭具例議敘。○又議準。本汎有製造賭具之家。經別處訪聞察拏。本汎協同拏獲。或本汎有製造賭具之人。攜往別處販賣。經本汎訪聞察拏。而彼處協同拏獲者。此等協拏情由。由拏獲之人。申報該督撫察覈。於疏內聲明。皆免失察處分。○六年奏準。專汎官失察民人賭博者。每案罰俸一月。○又奏準。人賭博。專汎官能察拏。及經同城文武官察拏

者免議。因公他出者亦免議。○又議準。拏獲賭具之人。隨本案議敘。其該管兼轄統轄官。統轄察明所屬。一年內別無失察製造賭具及賭博等事。將該管兼轄統轄官。統轄賭具之案。於歲終彙冊報部。分別起數議敘。如所屬一年之內。但有一案失察者。將別案拏獲賭具。槩不準議敘。如屬官有失察等案。該管兼轄統轄官。能察出揭叅者。將揭叅之官。分別起數議敘。倘兼轄統轄官。因所屬製造賭具。希圖議敘。將該管兼轄統轄官。分別起數議敘。將該管兼轄統轄官。分別起數議敘。

用○十一年議準。官員拏獲賭具。繫武職。拏獲免同城文職處分。文職拏獲免同城武職處分。若經接壤鄰境拏獲。其製造賭具地方之該管官。繫失察未過半年者。免議。至並非接壤鄰境。及失察已過半年者。如曾經差人協拏。免議。未經差人協拏者。仍照例議處。○又議準。後任官拏獲造賣賭具之人。其前任官。如失察未及半年。離任者。免議。失察已過半年者。仍照例議處。若將失察已過半年之前任官。捏報未及半年。改移日月。代為掩飾者。除將該員拏獲之案。不

準議敘外。仍降一級調用。未經察出之兼轄官。罰俸一年。統轄官。罰俸六月。能察出者。免議。至拏獲之後。接任官到任半年以內。因賭博發覺。究出製造賭具。或舊存牌版。刷印不過半年。卽能拏獲者。均準議敘。其應議處。議敘。各官。該督撫察明前後官。到任。離任。日期。均於題咨內聲明。○又議準。官員將鄰境新製賭具。未及半年之案。協同拏獲者。每起。紀錄一次。至四起者。加一級。同屬該管上司。管轄者。上司功過相抵。不

準議敘。○十二年。兩準。失察賭博之專員。失

照例議處時。將該員從前獲賭具。議敘之加級紀錄。悉行注銷。如該員已經數任。後有失察賭博之案。將前任內拏獲賭具。議敘之加級紀錄。一并注銷。其該管上司。除因所屬副員拏獲賭具。議敘之加級紀錄。不必注銷外。如因失察賭博之屬官。從前拏獲賭具。同案議敘之加級紀錄。亦悉行注銷。若該員失察賭博時。該上司先已離任。或該員調任別省。其失察之處。已與原上司無涉。所有該上司從前因該員議敘之加級紀錄。免其注銷。至上司本身失察賭博。

仍將從前所有自行拏獲賭具議敘之加級紀錄並因屬官拏獲賭具議敘之加級紀錄悉行注銷其失察製造賭具舊製賭具並販賣賭具等案皆照此例○十三年覆準拏獲賭具如繫舊製存留或雖新製而失察已過半年止免失察處分不準議敘倘將舊製存留賭具捏報新製及失察已過半年而捏報在半年以內者將捏報官降一級調用並行轉報之兼轄官降一級調用不加詳察之統轄官罰俸一年○統轄官將捏報官罰俸一年○統轄官將捏報官罰俸一年

即兼轄統轄例應議敘即將揭參之兼轄統轄官照例議敘如例不應議敘既能揭參準免議處○乾隆五年議準官員同城拏獲製造賭具者不分文武將首緝之人加二級協拏之人紀錄二次首緝兼轄統轄官照例議敘協拏之兼轄統轄官不準議敘此等協拏情由拏獲之人申報督撫察覈於題咨內聲明分別議敘若並未協拏捏報協拏者革職扶同捏報之兼轄官降二級調用統轄官罰俸一年提鎮罰俸六月若兼轄官據詳轉報並非有心扶同者罰俸一

年如地方有造賣賭具之人該專汛官漫無覺察經兼轄統轄官拏獲者將失察之人議處拏獲之人照例議敘○九年議準拏獲賭具議敘不論文武每案止準首緝一人協拏一人如有以三四人題請濫邀議敘者除不議敘外仍將題請官照例議處○十四年奏準地方有製造賭具之家經營汛官弁於半年內拏獲者因其可以搜察銷燬拔本清源自應照例優敘若繫拏獲經過販賣之賭具與拏獲製造者有間止將首緝之人加一級協拏之人紀錄一次其餘

管兼轄統轄官於歲終彙冊報部察明所屬有議敘加一級者兼轄官紀錄二次統轄官紀錄一次

巡防

一海外巡防康熙二十八年議準水師總兵官不親身出洋督率官兵巡哨者照規避例革職

○四十三年覆準廣東沿海地方以千把總會哨副叅游每月分巡總兵官於每年春秋二季出洋總巡○四十七年覆準江南蘇松狼山兩鎮各於本管洋面親身總巡每歲一輪將出洋

同汛日期呈報該督提察覈○又覆準浙江定
海溫州黃巖三鎮出洋總巡每年定於二月初
一日起至九月底止○五十年

諭朕於水陸兵丁年久深悉其情事船至海洋必俟風
候若不候時不察風汛而欲強行必至兵船同損官
兵皆繫朕歷年養育之人如遇有賊自應効死若無
賊而徒以巡哨受傷實為可惜該總兵官須畱意於
此大加謹慎欽此○五十一年議準海洋巡哨官弁
盤獲形迹可疑之船如入數與執照不符並貨
物與稅單不符者限三四日內稽察明白如繫賊

船交與地方官審訊果繫商船卽速放行申報

該上司存案如以賊船作為商船釋放或以商

船作為賊船故意遲延擾害者皆革職索贖財

物者革職提問該上司查出揭叅者免議如釋

放賊船該上司失察者照失察諱盜例議處稽

遲擾害商船該上司失察者照失察誣証長為盜

例議處○五十三年覆準各營巡哨船刊刻某

營某字某號某正某手人等各給與腰牌備書

姓名年貌籍貫○又覆準山東與

盛京對峙水師官兵各巡本管洋面金州之鐵山

舊旅順新旅順海帽坨蛇山島並頭雙島虎坪
島筍子溝天橋廠菊花島等處皆繫

盛京所屬令該將軍安撥官兵巡哨北隍城島南
隍城島欽島砣磯島黑山島廟島長山島小竹
島大竹島至直隸交界武定營等處止並成山
頭人家口之梁島吐峒島養馬島至江南交界
等處止皆繫山東一屬令登州總兵官委撥官
兵巡哨至鐵山與隍城島中間相隔一百八
餘里其中並無一島之所自鐵山起九十里之

內

盛京官兵巡哨自隍城島起九十里之內山東官
兵巡哨如遇失事各照地界題參○又覆準官
弁駕船巡哨如船被賊焚劫者革職提問船仍
著落賠補若實繫遭風擊碎該管上司察明出
結詳報該督撫提鎮保題免其賠補動支錢糧
修造倘有捏報情弊將該官弁革職提問濫出
結之該上司革職保題之督撫提鎮降一級留
任○五十五年覆準福建水師提標五營澎湖
水師二營臺灣水師三營分撥兵船各書本營
旗號每月會哨一次彼此交旗爲驗如由西路

去者。提標哨至澎湖交旗。澎湖哨至臺灣交旗。皆送臺灣鎮察驗。由東路來者。臺灣哨至澎湖交旗。澎湖哨至廈門交旗。皆送提督察驗。如某月無旗交驗。遇有失事。照例題參。○五十六年。覆準。福建臺澎兩協副將。歲率三船。親身出洋。總巡各本管洋面。兩協游守。分巡各本汛洋面。海壇金門二鎮。各分疆界。爲南北總巡。每歲提標撥出十船。以六船歸巡哨南洋總兵官調度。四船歸巡哨北洋總兵官調度。其臺澎二協副將。金門海壇總兵官。均於二月初一日起。至九

月底止。期滿徹回。至各營分巡官兵。挨次更換。如遇失事。各照例題參。○五十七年。覆準。廣東南澳屬閩粵交界。瓊州孤懸海外。南澳總兵官。及瓊州水師副將。各率營員。專巡各本營洋面。自南澳以西。平海營以東。分爲東路。以碣石鎮總兵官。澄海協副將。輪爲總巡。率領鎮協標員。及海門。達濠。平海。各營員爲分巡。自大鵬營以西。廣海寨以東。分爲中路。以虎門。香山二協副將。輪爲總巡。率領二協營員。及大鵬。廣海。各營員爲分巡。自春江協以西。龍門協以東。分爲西

路以春江龍門二協副將輪爲總巡率領二協營員及電白吳川海安碓洲各營員爲分巡共分爲三路每年分爲兩班巡察如遇失事照例題叅○雍正三年議準官弁出海巡哨如有洋面失事隱諱不報者該將軍督提訪實題叅革職○四年題準直隸天津水師官兵於四月起至九月止駕船出洋巡哨○八年議準福建浙江巡哨官兵船挨次兩月更換如風潮不順到汛愆期統候陸續到汛交代具報該上司察覈遇有叅處之案憑報文內職名揭叅○又議準

各省沿海營汛原分水陸水師惟在大洋遊巡其陸路濱海塗岸潮退膠淺爲水師巡船之所不到其中各色小艇隨潮飄泊或有暗載違禁貨物甚至乘機偷劫此等所在設立小號巡船○九年議準凡巡海船於未出口之前取同船兵丁不敢搶物爲匪連名甘結在船該管官加結申送該上司存案回哨日仍取同船兵丁在洋並無搶物爲匪扶同隱匿事發願甘並坐甘結送該上司察覈如弁兵在洋搶奪商人財物該管官不繫同船失於覺察照失察營兵爲盜

例議處。若通同庇匿革職提問。督撫提鎮不題
 叅者。照徇庇例議處。○十二年奏準。沿海外洋
 凡官兵巡哨。及因公差委。如有遭風受困。沒水
 登岸。幸獲生全者。官準軍功加一級。外委於補
 官日加級。兵丁並食名糧之舵工水手。皆照軍
 功頭等傷例給賞。其或飄沒身故者。官以見在
 職任。照陣亡例分別廕贈。給與祭葬銀。外委及
 兵丁並食糧之舵工水手。亦照陣亡例。分別給
 與祭葬銀。其奉調考驗之官弁兵丁。照軍功例
 各減一等。凡船內舵工水手。有被淹身故者。如

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

遇有風浪。人等被浪

擊碎之

皆繫危險地方。官兵因公差委。及領運弁丁。下
 場人等。遭風受困。或幸獲生全。或漂沒身故。所
 有加級紀錄。廕贈卹賞。皆照外洋之例行。此內
 旗丁與步兵同。○十三年覆準。福建南澳鎮左
 營。及金門鎮之銅山洋汛。歸南澳鎮巡察。每年
 上班巡期。委右營。下備。與廣東鎮協會哨。左營
 游擊。與海壇金門兩鎮會哨。該總兵官。駐鎮彈
 壓。下班巡期。委右營游擊出巡。總兵官親率兵
 船。與兩鎮會哨。以左營游擊。留營彈壓。○乾隆
 元年覆準。廣東洋面。分為上下二路。自

江至電白。吳川。碣洲。為上路。上班以春江協副
 將為總巡。下班以吳川營游擊為總巡。率領春
 江。電白。吳川。碣洲。各營員為分巡。均於放雞洋
 面會巡。至碣洲一帶。自海安至龍門為下路。上
 班以海安營游擊為總巡。下班以龍門協副將
 為總巡。率領海安。龍門。各營員為分巡。均於瓊
 州洋面會巡。所屬一帶。至上路之電白營游擊。
 上班隨巡。聽春江協副將統領。電白營守備。下
 班隨巡。聽吳川營游擊統領。如遇本營洋面失
 事。分別題參。○十二年奏準。江南海洋。每年二

月至九月。蘇松鎮標中。左右。奇。四營之游守。八人。分爲四班。每營游擊。各巡兩月。各營守備。與游擊錯綜換班。每人隨游擊分巡兩月。川沙。吳淞。二營之叅將。守備。共四人。每人分巡兩月。未輪班之各營。委撥弁兵。駕舟隨巡。至於十月至正月。令鎮標四營。川吳二營。每營各管二十日。如有失事。將分管之營題叅。該鎮總兵官。仍親身巡察。所有出洋回汛日期。報督提稽考。狼山鎮標。於二月初一日起。右營游擊。率領中。左右。三營官兵。在於內外洋面巡哨。至九月底。期滿。

回營。該鎮總兵官。亦親身巡察。將出洋回汛日期。報督提稽考。○十七。十議準。山東省登州鎮水師。每年五。六。七。八。月。間。官兵出洋。南北。東。三。汛。各在該管地界。彼此往來巡防。其沿海陸路營汛。亦令不時瞭望。不許怠惰推諉。○又議準。江南省蘇松。狼山。二鎮。各有所管洋面。皆繫一望汪洋。並無島澳。可收。僅能暫時寄碇。每年分委將備。輪班出巡。飭發令箭。逐汛交傳。設立印簿。填明接到月日。仍令該鎮總兵官。不時出洋。上下梭織巡察。○又覆準。福建省海壇鎮。於三。

月初一。九月初一日。與金門鎮會哨於涵頭港。五月十五日。與浙江溫州鎮會哨於鎮下關金門鎮。於三月初一。九月初一日。與海壇鎮會哨於涵頭港。六月十五日。與南澳鎮會哨於銅山大澳。南澳鎮。於六月十五日。與金門鎮會哨於銅山大澳。會哨之期。總督豫遣標員前往指定處所等候。如兩鎮同時並集。卽取聯銜印文繳送。或一鎮先到。點驗兵船。取具印文。先行繳報。卽準開行。一鎮後到。別取印文繳送。總以兩鎮赴指定處所爲準。如遲至五月以後不到者。察

故偷安。卽行叅處。至分巡洋汛。相離本不甚遠。一月會哨一次。該鎮總兵官差員取結遞報。如有違誤。卽行揭叅。若徇隱及失察者。一并叅處。○又覆準。浙江省定海鎮。於三月十五。九月十五日。與黃巖鎮會哨於健跳汛屬之九龍港。五月十五日。與江南崇明鎮會哨於大羊山。黃巖鎮。於三月初一。九月初一日。與溫州鎮會哨於沙角山。三月十五。九月十五日。與定海鎮會哨於九龍港。溫州鎮。於三月初一。九月初一日。與黃巖鎮會哨於沙角山。五月十五日。與福

建海壇鎮會哨於鎮下關。其會哨之期。總督豫遣標員前往。指定處所等候。及兩鎮出具印文。繳送之處。均照福建之例行。○又覆準。廣東水師各營總巡。指地定期會哨。如同時並集。務銜具文通報。倘因風信不便。先後參差。先到者。卽具文通報。巡同本路洋面。後到者。亦於到日具文通報。巡同本路洋面。至分巡各官。每月與上下鄰境會哨一次。或先西後東。或先東後西。豫爲酌定。一經會合。卽聯銜通報。如有緊急。飾卽令總巡官揭

一內河巡防。雍正七年覆準。四川自巫山至三江口。綿亘二千餘里。所有一帶水塘。設立巡船。交與汛官。更番巡哨。該管官弁。不時稽察。○十年議準。江南。江西。沿江營汛官弁。上下往來巡緝。每月彼此會哨二次。對換令箭爲憑。將會哨日期。報明督撫。提鎮稽考。分巡之上。再設總巡。狼山總兵官。每月委官二人。東巡至廖角嘴。西巡至京口。京口將軍。每月委官二人。東巡至狼山。西巡至江寧。江寧將軍。每月委官二人。東巡至京口。江南總督。每月委官一人。西巡至安慶。

安慶巡撫每月委官二人。東巡至江寧。西巡至江西交界。江西南昌總兵官。九江副將。每月各委官一人。巡至江南交界。九江副將。每月委官一人。巡至湖廣交界。所到日期。皆報明督撫提鎮稽考。倘不按期接界會巡。將委出巡哨官降一級調用。兵丁責革。○又議準。湖廣興國道士汛。二營。東巡至江西交界。西巡與武昌城守營會哨。武昌城守營與岳州營上下來往。巡緝會哨。施州營。東巡與岳州營會哨。西巡至四川交界。其報明督撫提鎮。及不按期接界會巡處分。

悉照兩江之例行。○又議準。各省江河中流要處。一例設立巡船。官兵往來游巡。其船造入該營交代冊內。遇有盜案。照海洋行船被劫例議處。

一緝捕海盜。順治初年定。以海督撫提鎮嚴飭官弁。及內地所屬地方官。將海盜立法擒拏。務期淨盡。如果無海盜。令該管各官按季具結。申報。督撫提鎮報部。倘出結之後。此等海盜經別汛拏獲。供出從前潛匿所在。將供出之該管汛口地方官降一級調用。○康熙十一年題準。海盜

侵犯城池。殺傷兵民。專汛以兼轄各官皆革職。鎮守總兵官降二級調用。叅督降二級。戴罪圖功。焚燬鄉村。劫虜男婦。殺傷兵民者。專汛官革職。兼轄官降二級調用。鎮守總兵官降二級。提督降一級。皆戴罪圖功。若兼轄各官聞報退縮。不前往緝拏者。革職。提鎮聞報。不卽領兵會剿者。降二級調用。盜船飄忽。奪虜。同往追緝官。不相救援。率師徑返。以致口兵損傷者。革職。提鎮專汛官降二級。兼轄官降一級。皆戴罪圖功。提鎮

司總一年海盜乘劫

入劫無傷兵民專汛官擊

專汛官仍各降一級皆戴罪圖功○四十六年題

準江蘇浙江福建廣東南洋各行船被盜無論內外洋面將

分巡委巡總巡官各降一級畱任總巡統轄官

各罰俸一年盜限三年緝拏不獲將分巡委巡

兼轄官各降一級調用總巡統轄官各降一級

罰俸一年如破盜地方有專汛之官照分巡官

例議處其地時期內本汛並無失事別能拏獲

海盜一船者將專汛分巡委巡兼轄官各紀錄

一次拏獲一船者將專汛分巡委巡兼轄官各

紀錄

紀錄一次。總巡統轄各官。紀錄一次。拏獲再多者。照數遞加。○五十二年議準。

盛京海洋。以佐領防禦。驍騎校爲分巡。協領爲總巡。如有行船被盜。由該將軍題參。將分巡總巡各官。照江浙閩廣之例議處。○五十五年議準。海洋緝盜。較陸地倍難。無論內外洋面。但能獲一半者。各自皆免議處。○五十六年議準。山東海洋行船被盜。照江浙閩廣之例議處。○又議準。山東登州南汛失事。以分巡千把爲專汛。膠州游擊爲兼轄。北汛失事。以分巡千把爲專汛。

登州守備爲兼轄。東汛失事。以分巡千把爲專汛。成山守備爲兼轄。○雍正三年議準。洋面失事。巡哨各官。恐嚇賄囑。不行通報者。照諱盜例議處。○七年議準。盜犯在外洋。咎在出洋巡哨之官。將守口官免議。至洋行劫之後。散夥登岸。濶冒入口。守口官弁。失於覺察者。罰俸一年。其有盜由海口內。奪船出洋行劫。將失察守口官弁。降一級畱任。盜犯限一年緝拏。全獲開復。限滿不獲。照所降之級調用。若本案盜犯。經別汛拏獲。定以三年之內。有能拏獲別汛盜船。或本

金定大清會典事例 卷之一百一十五 吳
汛並無失事者。該督撫具題。準其開復。○八年
議準。廣東將軍。總督。提鎮。各標。輪撥官兵。駕船
游巡。附近河道。遇有失事。在巡能獲盜過半者。
免其議處。若疎防。四月限期未滿。先已回營。盜
尚無獲。將游巡官。照離任官例議處。接巡之官。
能將盜犯拏獲。照接緝官例議敘。不獲。亦照接
緝例議處。皆免限年緝拏。其盜犯令該地方專
汛官承緝。接緝至陸路。於每年八月起。至次年
二月止。亦輪撥官兵。裝糧游巡。不許擾累。遇有
失事。亦照河道游巡例議處。○十三年議準。海

洋接緝盜案之官。如繫兩月三月一輪巡哨者。
初次巡期不獲。記過圖功。下次輪巡仍不獲。罰
俸三月。繫四月一輪巡哨者。初次巡期不獲。亦
記過圖功。下次輪巡仍不獲。罰俸六月。在洋巡
緝半年者。回哨無獲。罰俸六月。一年在洋偵捕
者。限滿不獲。罰俸一年。盜犯皆照案緝拏。○乾
隆六年。奏準。海洋接緝官。如限內但能獲盜。雖
不及半。皆免處分。若能拏獲盜首。夥盜者。照陸
路接緝獲盜例。分別議敘。

一巡哨各船。順治初年定。戰船哨船。以新造之

年為始。三年小修。五年大修。十年拆造。若未經屆期。詳請修造者。出詳官降二級調用。轉報官降一級調用。具題官罰俸一年。○又議準。武官看守戰船損壞二船者。降二級。畱任。三四船者。降二級。調用。五六船者。降四級。調用。七船以上者。革職。該督撫提鎮。仍不時委副參等官巡察。其官兵所乘之船。若未戰。以先。既戰。以後。閑住之時。即交替戰官看守。統兵大員。不時委官巡察。如有損壞。埃凱旋日。將看守官。亦照前例議處。○康熙二十九年。題準。外海戰船哨船自新

造之年為始。三年小修。小修後三年。大修。大修後三年。尚堪修理。應用者。仍令大修。如不堪修理。題明拆造。內河戰船哨船。自新造之年為始。三年小修。小修後五年。大修。大修後三年。仍行小修。小修後三年。尚堪修理。應用者。仍令大修。如不堪修理。題明拆造。○四十二年。題準。沿海各營汛。有島有嶼。應分定船數。以備官弁駐守游巡。○直隸外海。趕繪船八。天津駐防左營。○

盛京。趕繪船六。旅順水師營。○山東外海。趕繪船十。登州鎮標前營。八。小脚船十。有二。八。成山汛四。雙

蓬船船二。成山 ○江南外海趕繪船二十有六。

蘇松鎮標中左右及奇兵營各五。狼山鎮標右營六。沙船三十有五。蘇松

標右營一。川沙吳淞營各三。狼山鎮標快哨船四。蘇松

中左右及奇兵營各一。川沙吳淞營各三。狼山鎮標右營巡船三。蘇松

營。水艍船二。川沙犁繪船二。川沙船犁船四。蘇松

營。內河趕繪船四。狼山鎮標中左營 沙船三十

有五。提標右營三。狼山鎮標中營一。左營二。湖

三。鹽城小關營各二。一。號船三十有四。狼山鎮標

各二。小關營一。太湖島左左營各八。哨船八。提標

右營四。湖河。巡船七十有二。提標右營十有六

四。右營十有二。福山營十。快船九。太湖左營四

營。二。四。櫓哨船一。提標 沙號船十有六。京口左營

艍犁沙船七十有六。京口水 ○江西內河沙船

八。南湖水。號船三十有八。南昌水師營十。南湖

水師營五。○福建外海趕繪船一百五十有一。督標

營二。水師提標中。右營各六。左。前後營各八。金

門鎮標左營八。右營七。海壇鎮標左。右營各十。

南澳鎮標左營八。閩安協左。右營各五。烽火門

四。銅山營六。臺灣水師協中。右營各十。左營八。

澎湖協左。右營各十。淡水營二。船船一百三十有一。水師提標

七。左。前後營各六。金門鎮標左。右營各九。海壇鎮標左營六。右營七。南澳鎮標左營五。閩安協左。右營各六。烽火門九。銅山營十。臺灣水師協中。右營各六。左營四。澎湖協左。右營各八。平

底船二十

海壇鎮標左。右營各三。南澳鎮標左。營二。臺灣水師協中。右營各三。左營

六。槳船二十有六

督標水師營四。水師提標中。營五。右營二。左。前後營各四。

銅山快哨船四

閩安協左。雙篷船四。督標水師營三。右營各二。

艍哨船二

烽火門。○浙江外海趕繒船十有六。提

右營二。定海鎮標中。左右營各一。黃巖鎮標右。營二。溫州鎮標中。營一。左營二。瑞安協左。右營

各一。玉環右營一。鎮海營一。昌石汛二。水船三十有一。定海鎮

營各五。右營四。黃巖鎮標中。左右營各二。溫州

鎮標中。左營各二。瑞安協左。右營各一。玉環左

右營各一。乍浦雙篷船五十有八。提標右營

營二。鎮海營一。標中。右營各四。左營五。黃巖鎮標中。左營各五。

右營三。溫州鎮標中。左營各六。瑞安協左。營三。

右營二。玉環左營二。乍浦營四。寧海左營二。昌石汛二。快哨船四十有

浦營四。寧海左營二。昌石汛二。快哨船四十有

五。提標右營二。定海鎮標中。營四。左營二。右營

三。黃巖鎮標中。左。右營各三。溫州鎮標中。左

營各二。瑞安協左。右營各二。玉環左營二。右營

一。乍浦營四。鎮海營六。寧海左營二。昌石汛二。

八槳船四。玉環左。右。巡船六。定海鎮標中。左右

中。左。右。釣船三十有六。提標右營二。定海鎮標

營各一。標中。左。右營各二。溫州鎮標中。左。右營各二。瑞

安協左。右營各一。玉環左。右營各一。乍浦營二。

鎮海營二。寧海左。內河大唬船四。渡馬船六。錢塘

水師快唬船二十有一。錢塘水師營十有一。沙

吉營一。象山協左。右營各三。磐石營二。紹興協
右營二。太平營四。平陽協左。右營各一。衢州鎮
標中營九。左營三。右營二。城守營三。嚴州
協左。右營各三。大荆營三。金華協右營二。小巡

船六十有七。太湖營二十。嘉興協左營十有五。
右營十。湖州協左營十有四。右營

七。安吉。
○湖廣內河戰船一百四十有四。宜昌鎮標

四十。荆州水師營二十。漢陽城守營十有一。均
房營二。洞庭水師協四十二。岳州水師營二十

四。常德城守營五。巡船三十有四。黃州協五。武昌城守
營十有一。荆州城守

營四。水師營四。興國營一。蕪
州營二。道士汛。澧州營各三。哨船九。黃州協一。
常德城守

營八。沙船十。荆州水師營。虎戰船十有四。漢陽城
守營。小舫

民船十有一。宜昌鎮標。巡江船五。襄陽鎮標三。
城守營二。○廣

東外海趕船八十有四。碭石鎮標中。左右營
二十六。南澳鎮標右

營九。大鵬營。九虎門協八。香山
營二。瓊州協十有四。船六十六。香山

營四。雷州協。澄海協十有一。平海營九。海
營二。廣海寨二。電日營七。海安營五。碭州營

營六。船十有七。南澳鎮標右營六。海
門營八。達濠營三。船五

船五。吳川內河漿船三百九十有三。將軍局左

于。督標中。左。右。前。後。營十。有八。撫標左。右。營十。

提標中。左。右。前。後。營二十五。左翼鎮標中。左。右

營四十八。右翼鎮標中。左。右。營六。碭石鎮標中。

左。右。營二。潮州鎮標中。左。右。營七。肇慶協五。惠

州協三。虎門協三十六。香山協二十七。春江協

九。雷州協五。龍門協七。羅定協四。瓊州協二。黃

岡協四。澄海協五。肇慶營二十六。平海營四。大
鵬營九。增城營二。新會營二十六。海門營四。新
安營二。廣海寨十。吳川營二。海安營十有三。潮
州營八。饒平營十。潮陽營四。東莞營十有六。四
會營三。英清營十有三。化石
營一。達濠營一。海防營四。
○雍正十年議準

各省修造戰船。由督撫提鎮委副參會同文職道府領價督修。委都司協同文職府佐等辦料修造。如繫將軍標下之船。委叅領以下等官同領同辦。凡屆修造之年。各該營於五月前。將應小修大修拆造之船。分析呈報。該上司照例題咨承修官照額定小修大修拆造價直備具冊結支領。江南江西福建浙江湖廣廣東等省。於屆修兩月之前。領銀備料。臺灣瓊州於四月前領銀備料。天津山東於八月前領銀備料。各該營均於屆修前一月。底將船駕赴廠所。承修官

即於次月興工。依限報竣。如該營員於屆修造之年。不依限申報及屆修之前一月。底不將船駕赴廠所者。皆照遲延事件例議處。若承修官玩視船工。將價直延挨請領者。降一級調用。該上司故意畱難。以致遲延者。將該上司降二級調用。承修官免議。○又議準。修造戰船。不如式堅固。及未至應修年分損壞者。著落承修官賠六分。督修官賠四分。仍將承修官革職。督修官降二級調用。至小修限四月完工。大修拆造限六月完工。倘有貽誤船工。違限未及一月者。承

修官罰俸一年。督修官罰俸六月。將軍督撫提鎮罰俸三月。一月以上者。承修官降一級調用。督修官罰俸一年。將軍督撫提鎮罰俸六月。兩月以上者。承修官降二級調用。督修官降一級。畱任。將軍督撫提鎮罰俸一年。三月以上者。承修官降三級調用。督修官降一級調用。將軍督撫提鎮降一級。畱任。四月以上者。承修官降四級調用。督修官降二級調用。將軍督撫提鎮降二級。畱任。五月以上者。承修官革職。督修官降三級。畱任。○又議

準。承修官將未經修完之船。捏報完工者。革職。督修官降二級調用。將軍督撫提鎮降一級調用。如承修官詳報未完。督修官以完工轉報者。督修官革職。承修官照限議處。承修督修官詳報未完。將軍督撫提鎮以完工具報者。將軍督撫提鎮革職。承修督修官照限議處。○又議準。船屆修造之期。該管官不將船上什物交明。致頭舵兵丁人等偷竊。因而短少殘闕者。除頭舵兵丁人等治罪追賠外。將該管官降一級調用。該上司不揭叅者。降一級畱任。至交船之時。頭

舵兵丁人等有藉端勒索者照例治罪將該管官照衙役犯贓例議處若官弁藉端勒索者革職提問該上司明知不揭叅者降二級調用○乾隆三年議準修造內河巡哨船照戰船扣限如有逾違不及一月者免議一月以上者承修官罰俸六月兩月以上者罰俸一年三月以上者罰俸二年四月以上者降一級畱任五月以上者降一級調用督修官違限一月以上者罰俸三月兩月以上者罰俸六月三月以上者罰俸一年四月以上者罰俸二年五月以上者降一級畱任○五年

一級畱任○五年

諭東南沿海一帶如山東江南福建浙江廣東廣西等省皆設有戰船以為海防之備今承平日久官弁漸覺疎忽朕聞戰船數目竟有報部之虛名而十分之中不免闕少二三者至於大修小修之時每因船數太多難以察覈該營官弁及州縣官通同作弊將所領帑銀侵蝕入己報修十船其實不過七八船而又塗飾顏色以為美觀仍不堅固且更有不肖官弁令子弟親屬載販外省或賃與商人前往安南日本貿易取利者以朕所聞如此雖

未必各省皆然。然亦難保必無其事。可傳諭該省督撫提鎮等。嗣後嚴行稽察。加意整頓。務令諸弊盡除。以重海防。倘將來再有風聞。經朕特遣大臣前往。察出虛冒廢弛。則該管之大員。咎亦難辭。欽此。○十四年議準。各省外海。內河。水師戰船。哨船。修竣。經督撫提鎮驗後。令承修官將船身長濶丈尺。並船內一應器具。寬厚尺寸。造具清冊。送督撫提鎮鈐印存營。每於歲終。委官按冊盤察。同軍裝器械。一并出結保題。如有滲漏損失。照例題參。○十七年覆準。戰船出洋。必需加用

頭巾插花。借助風力。駕駛始能迅速。應一例製備。以資巡哨。除江南省沙唬巡快等船。福建省虎艇船等船。皆輕便易使。毋庸製備。又廣東省虎門協營海道紆迴。砂礁錯雜。不必製備外。其餘沿海各省。一應戰船。皆製備頭巾插花。所需工料銀。於營中公費。及司庫備公銀內動支。每屆該船修造之時。將頭巾插花一例造報。修換。仍將用過工料。報部覈算。

欽定大清會典則例卷之一百十六

兵部

職方清吏司

公式一

八旗綠旗通例

一通例。順治年間定。官員犯笞杖等罪。分別公
 私定議。公罪。笞一十者。罰俸一月。二十者。罰俸
 兩月。三十者。罰俸三月。四十者。罰俸六月。五十
 者。罰俸九月。杖六十者。罰俸一年。七十者。降一
 級。八十者。降二級。九十者。降三級。皆畱任。杖一

百者降四級調用。私罪笞一十者罰俸兩月。三十者罰俸三月。四十者罰俸六月。五十者罰俸九月。六十者降一級。七十者降二級。八十者降三級。九十者降四級。皆調用。杖一百者革職。○又定武職各官有應降一級者準以加一級。或紀錄四次抵銷。罰俸一年者以紀錄二次抵銷。罰俸半年者以紀錄一次抵銷。○又定老病休致武職各官任內有承督未完之案令接任官完結者本官已經休致免議。若有侵那貪酷營私等弊仍照例處分。○又

定武職各官有承督之案初叅摺

赦免議限期又滿仍未完結復叅者均以

赦後起限仍作初叅處分。○又定武職各官經上司

糾叅之後乃將上司列款訐首者將訐首之事

不準行仍照例處分。○又定營員議處察明何

繫專管何繫兼轄統轄照例議處若處分止稱

該管官者止將專管官議處不及兼轄統轄官

○又定武職戴罪圖功者或別立軍功或將原

案盜賊全獲或遇

恩赦均準開復若三年內原案盜賊獲半地方寧謐

者亦準開復。如續有議降之案。以後議之日計算。三年無過開復。其議處之時。例應戴罪圖功者。該員如有軍功加級紀錄。及薦舉者。準其抵銷。免戴罪圖功。○又定。旗員緣事。有降級畱任者。按所降幾級。卽降俸幾級。應降級調用者。各按品級遞降。世爵緣事。應降級畱任者。亦按所降幾級。卽降俸幾級。應降級調用者。每一級罰半俸三年。二級罰半俸六年。降級多者。照此遞加。俟罰俸扣完之日。再行升轉。若世爵兼有文武職任。所犯由職任得者。不論世爵大小。皆就

職任議處。不由職任得者。世爵大。就世爵議處。職任大。就職任議處。○又定。旗員叅領以下。及領催人等。於本任內應辦之事。果能奮勉。例應議敘者。由部將鈐印號紙。分發各旗都統。遇有應行紀錄者。卽於號紙內書明事蹟。用旗印鈐蓋。給與該員收執。於歲終彙奏。若奉

特旨賞給紀錄。或由部議敘紀錄。亦於歲終彙奏。造冊咨部存案。紀錄積至四次者。準作加一級。○又定。武職各官。緣事降級畱任。及降級照舊管事者。三年無過開復。革職畱任者。四年無過開

復其降級畱任者。三年內復有降級畱任之案。以後降之日爲始。計滿三年開復。革職畱任者。四年內復有革職畱任之案。以後革之日爲始。計至四年開復。○康熙十一年議準。武職大員。將曾經奉

旨永不敘用之人。私用爲官者。革職。至叅官有不書名者。將揭報具題官。各罰俸六月。○二十三年。覆準。武職各官。有議處之案到部。或專本題準。或彙本題覆。宜分別辦理。以昭畫一。如盜案錢糧處分。例應革職降調者。逐案專本題覆。若例

止降俸降職。降革畱任。罰俸戴罪督催等項。入半月彙本題覆。其錢糧案內。如馬政驛站之類。有造報違限。並分數未完之文職。經督撫題叅到部者。本部無庸具題。將該督撫所叅違限月日。及未完分數。移咨吏部議處。至本部應入彙題之案。繫本月內到者。於次月內。兩次彙題完結。其中或情節未明。應駁詰者。卽具彙咨察。俟覆到日再議。○又覆準。見任千總把總。及功加効用各官。有病故及老疾告退者。皆先行報部。將原劄繳銷。於年終彙題。若續有議處之案。覈

明。應免議者。準其免議。○二十六年議準。旗員
本身出征。因軍功所得世爵。若犯賭博宿娼柳
責以上罪者。卽議黜革。雖有襲次。不準承襲。其
餘所犯之罪。應黜革者。免其黜革。永停半俸。俟
身故後。仍準子孫。按次承襲。支食全俸。若本身
効力隨衆所得世爵。緣事應黜革者。卽議黜革。
雖有襲次。不準承襲。至父祖所得世爵。承襲之
子孫。緣事應黜革者。卽議黜革。察明應襲之人
承襲。○三十九年議準。提鎮關繫重大。緊要之
事。例應議處者。仍照定例議處。至裁汰戀職。未

經察出。遲延開復。與丁憂違限。未經咨報。及一
應無關緊要之事。並定例內未經開載。應比照
查撫之例。罰俸一月至六月者。皆免議處。○四
十二年議準。官員已經革職。有前任之事到部
議處。必將應降應革。分晰題明。注册。不得止以
毋庸再議。一槩抹銷。倘革職之案。辯明開復。仍
將前任之事。逐一察明。如有應革之罪。不得卽
與開復。有應降級者。卽照原官議降。有應罰俸
者。議於補官日罰俸。○又議準。已經革職各官。
除重大事情。仍照例議處。題明注册外。其餘原

任內所有事故。皆免議處。○又覆準。內外武職大員。如有廉能屬官。屈為貪劣題參。審明涉虛。將原誣揭官降二級調用。具題官降一級調用。

○又覆準。升任降調。裁汰給假。丁憂解任。武職各官。如遇原任之事。有應罰俸者。升任官。於新任內罰降。調官。於降補任內罰。裁汰給假。丁憂解任官。於補官日罰。至初任官。有應罰俸者。於到任日罰。○又題準。將軍。都統。貪婪。副都統。不據實參奏。副都統。貪婪。將軍。都統。不據實參奏。提督。貪婪。總督。不據實參奏。總兵官。貪婪。提督。不據實參奏。

○又覆準。綠旗武職。該管上司。不據實參奏。發覺審實之日。無論同城。不同城。

皆降三級調用。○又覆準。綠旗武職。該管上司。將屬官經營事務。並在任月日。錯誤開報。以致

本官革職者。開報上司。降二級調用。督撫提

鎮。降一級。畱任。降級者。將開報上司。降一級。調

用。督撫提鎮。罰俸一年。罰俸者。將開報上司。罰

俸六月。督撫提鎮。罰俸三月。如將不應參之官。

開報。誤參。未經處分。經部察出。改正。繫革職。降

調。將開報上司。罰俸一年。督撫提鎮。罰俸六月。

繫虛革。虛降。住俸。罰俸者。將開報上司。罰俸六

月。督撫提鎮。罰俸三月。如將不應參之官。開報。誤參。未經處分。經部察出。改正。繫革職。降

月督撫提鎮罰俸三月。○雍正元年議準。子總把總。經督撫提鎮。以巡防懶惰。盜劫頻聞。及營伍廢弛。私離汛地。吝革者。雖遇

赦免罪。仍行革職。○又覆準。武職各官。以暴虐被參者。遇

赦。雖免革職。仍勒令休致。○二年覆準。武職各官。原

任內有承督未完之案。應議降俸。降級革職。及

罰俸三月。六月。九月。仍令承督者。未滿年限之

內。或別案降調離任。或升遷離任。或報題升轉

離任。皆以罰俸一年。議結。一奉

特旨升調。原任內承督未完之案。應議降俸。降級革

職者。仍照離任官例。罰俸一年。完結。如止。應罰

俸三月。六月。九月者。皆各照依原任處分。議結

○又議準。武職各官。升任後。除原任內所有軍

功加級。準其隨帶外。其曾經奉

旨賞給隨帶之級。及議敘並捐納所加之級。原有隨

帶字樣者。仍準隨帶。其餘均改為紀錄一次。至

對品調補。及品級相同改補者。所有一應加級。

均準隨帶。○又議準。八旗文武官。兼世爵佐領。

有犯貪污。行止不端。革職者。不論何任事發。所

兼之官悉行議革其應襲之世爵佐領該旗將
應襲之人奏請承襲若因溺職革職者將佐領
并所兼文武之職議革其世爵應否存留該旗
具奏請

旨。至奉

特旨革職由武職內獲罪者其所兼文職應去應留
該部院等衙門具奏請

旨所兼世爵該旗具奏請

旨由文職獲罪者其所兼武職應去應留該旗具奏

請

旨若不兼文職止由武職獲罪者其所兼世爵應去
應留該旗具奏請

旨其因公墜誤止於革職者由文職墜誤革文職仍

留所兼武職及世爵由武職墜誤革武職仍留
所兼文職及世爵若不兼文職止以武職兼世

爵者由武職墜誤革武職仍留世爵因公墜誤

降級調用止於何職議處即由何職降調革職
畱任者於任議處即停何任之俸若所剩世

爵尚有餘俸仍行給與再由世爵佐領等選之
侍衛因家貧不能行走經領侍衛內大臣奏退

侍衛者。回旗仍在世爵。佐領。上行走。若因怠惰。規避。行止不端。叅革者。將世爵。佐領。悉行議革。該旗察明。應襲之人。奏請承襲。○四年議準。武職各官。有降級。畱任。革職。畱任者。計滿三年。四年無過。在京旗員。二品以上。在外將軍。都統。副都統。及綠旗提督。總兵官。自行奏明。準其開復。旗員大小世爵。及叅領。協領。以下。綠旗副將。以下。等官。由該管大員。詳察。奏部。題請。開復。倘不覈明。該員降罰情由。遠請。開復者。罰俸六月。有轉詳官者。轉詳官罰俸一年。如該管大員。將

該員降罰之案。不行聲明。遠請開復者。罰俸一年。至本人已經呈請開復。該上司不為轉詳者。罰俸一年。已經轉詳。該管大員不為請開復者。罰俸六月。若本人隱瞞。已身降罰。事故。遠請開復者。罰俸一年。至旗員如總管。城守。尉等官。無大員統轄者。自行呈部。由部題請開復。○五年諭。官員先叅婪贓。革職。提問者。原因婪贓被叅。故革職。以便審訊。如審無婪贓。其罪不至於革職。自應準其開復。倘因已經革職。遂謂無庸議。未免冤抑。嗣後凡被叅革職。訊問之員。審繫無罪者。皆著以開復定擬。

不得稱已經革職無庸議。將此永為定例。欽此。○又奉

旨。嗣後停俸降級革職畱任之人。奉特旨升補者。將停

俸降級革職畱任之處。覈明奏聞。○又覆準。在籍武

舉。並候選衛所千總等微員。有把持公務。武斷

鄉曲。一切犯法之事。例應革職審問者。該督撫

咨部。斥革彙題。如審繫無辜。咨部彙題開復。若

在籍微員。有犯法之事。不行懲治。將地方官照

例。庶劣員例議處。至該微員。本無劣績。而地方

官挾嫌捏款揭報者。將地方官照捏報劣員例

○六年奉

旨。嗣後降調革職畱任之員。再有降革處分。朕復加恩

寬免畱任者。將後案注冊。俟前案開復。再將後案計

至三年無過。准予開復。其有數案處分者。計案遞加。

永著為例。○又議準。八旗所屬各官貪婪。該管官不

據實詳揭。經將軍都統副都統題參。審實之日。

繫知情者。無論同城不同城。將該管官降三級

調用。統轄官降二級調用。失察者。同城之該管

官。降一級畱任。統轄官。罰俸一年。不同城百里

以內者。該管官。罰俸一年。統轄官。罰俸九月。百

里以外者。該管官罰俸九月。統轄官罰俸六月。在京巡捕營。不詳揭屬官貪婪者。照此例行。直省副將參將。至千總把總。貪婪該管官不據實詳揭。經督撫提鎮題參。審實之日。繫知情者。無論同城不同城。將親標該管官降三級調用。統轄官降二級調用。失察者。同城之親標該管官降一級留任。統轄官罰俸一年。不同城在百里以內者。親標該管官罰俸一年。統轄官罰俸九月。百里以外者。親標該管官罰俸九月。統轄官罰俸六月。衛所各官。不詳揭屬官貪劣者。照此

例行。如統轄官將屬員中。如將軍。統轄

都統督撫提鎮。該管官不詳揭。或該管官

統轄官統轄官不申報將軍。都統副都統督撫

提鎮。或該管官申報將軍。都統副都統督撫提

鎮。竟不申報統轄官者。亦照此例。分別議處。其

不同城各官。於疏內將里數聲明。以憑察議。倘

里數聲明失實。將轉詳官照徇情例議處。至貪

婪之處。該管上司正在訪察。而將軍都統副都

統督撫提鎮。先已發覺。即行詳揭者。該管上司

止照失察例議處。再題參貪劣屬員。不將未經

詳揭之該管各官附叅者。罰俸一年。署印官不詳揭貪劣屬官者。如任事不及一月免議。一月以上。與實授官。一例議處。至科道糾叅貪劣官款蹟。審實之日。將不詳揭之該管統轄各官。分別議處。不題叅之將軍。都統。副都統。督撫。提鎮。皆照統轄官議處。○又議準。將軍。都統。副都統。督撫。提鎮等。聞有貪劣屬員。行令該管官訪察。該管官不卽速申覆。或洩漏風聲。以致貪劣官自盡。潛逃者。將該管官罰俸一年。其自盡者。如有威逼致死情由。審實有確據者。將威逼之官。

革職。提問。至屬員互相訐告。該管官不行詳報。及經將軍。都統。副都統。督撫。提鎮。知覺。行令訪察。又復詳報遲誤。或將軍。都統。副都統。督撫。提鎮。訪察屬員優劣。該管官不速申覆者。皆罰俸一年。若該管官未奉將軍。都統。副都統。督撫。提鎮。明文。卽將屬員拘拏。羈禁者。革職。○又議準。武職各官。裁汰。告假。丁憂者。補任後。準接算前俸。所有原任卽升加級紀錄。準其隨帶。緣事應降應革。遇有

恩赦免議。及本案審虛開復。或奉

旨以原叅之案本屬冤抑。復還原職者。均準接算前俸。所有卽升加級紀錄。亦準隨帶。如並非本案開復。及業經緣事降革。奉

旨起用者。不準接算前俸。所有卽升加級紀錄。不準隨帶。○又議準。八旗老病休致各官。原任內所有加級紀錄。仍行注冊。後遇議處。準其抵銷。○又覆準。議處武職各官。凡例內載明加級紀錄。不準抵銷者。均於本內將原有加級紀錄。與不準抵銷之例。一并聲明。若並無此等紀錄。亦準抵銷。○又議準。例應抵銷。即

明該員加級紀錄。槩行抵銷。至降級留任之人。原繫虛降。除戴罪並承督等案。俟本案完結。日開復外。其因公呈誤降級留任者。加級紀錄。皆準抵銷。至降級留任以後。捐納加級。不準抵銷。遇有

恩詔加級及議敘加級。皆準抵銷。倘被議之人。有應行抵銷。部議遺漏抵銷者。許本人詳明。將承辦官交吏部議處。若本人明知受屈。隱忍不行。詳明。別經發覺。將本人加級紀錄。不準於本案改正。抵銷。仍罰俸六月。○又覆準。凡降革留任官

員除不許升轉外。其朝服頂帶皆許照本人品級。○七年奉

旨。凡外任官員因公呈誤革職者。朕恐其人材尚屬可用。而罷黜之由。乃限於定例。不忍使之廢棄終身。是以格外施恩於部議革職之時。往往酌量降旨。令其交代後。該上司出具考語。送部引見。此朕愛惜人材體卹下情之意。惟是外官在任。叅罰之案常多。每有先經革職奉旨。來京引見之人。陸續又有別案革職者。此等官員。著交部覈明。若積年之案情罪重於前案。非繫因公呈誤。則不應引見。若後案仍因公呈誤。與初叅革職之案情罪相同。仍著引見。於奏請將該員共有處分幾案之處。聲明候旨。○又議準。武職各官被叅革職發審。本案審繫全虛者。皆以開復定擬。不得稱已經革職。毋庸議完結。如革職發審之人。先經別案降革者。本案審虛。止將審虛之案開復。其從前降革之案。不得槩予開復。其先經別案革職畱任。降革畱任者。本案審虛。亦止將審虛之案開復。於補官日。將從前降革畱任之案。帶於新任。至原叅重罪審虛。而該員尚有輕罪。應降級罰俸者。將該員原叅革職

員尚有輕罪。應降級罰俸者。將該員原叅革職

之案開復。按其所犯輕重。應降級者降級。應罰俸者罰俸。原任內所有加級紀錄等項。應抵銷者。仍準抵銷。○八年奉

旨。內外大小官帽頂補服坐褥等項。悉照本身見任品級。不得藉稱加級。以開僭越之端。在京著有稽察之責者。嚴行稽察。在外著該管上司稽察。倘有不遵。除將本人議處外。失察之人。一并議處。○九年議準。武職各官。有出征及差往屯種駐劄者。遇有議處之案。應罰俸者。準其注冊於事竣之日。補行罰俸。應降級留任革職留任者。仍按年限題咨開

於事竣之日。該管官出具考語。給咨送部。引

見請

旨。應革職者。於議處本內。將應否仍留効力之處。聲明請

旨。如準留營効力。亦俟事竣之日。該管官出具考語。給咨送部。引

見請

旨。以上降革留營効力官。不必開闕。均照原官支領俸薪等項。以資養贍。○十年議準。千總把總外

委等。因軍功議敘職銜。遇有因公呈誤。應行降調者。如降一級。將所得功加銷去一等。抵降一級。若降級多者。照此計算。銷去功加。○十一年奉

旨。嗣後有一人而兼數任者。遇有議敘。若僅止一案。只就一任內議敘。如遇有議處。亦止就一任內議處。將此永著爲例。○又議準。武職各官升任後。遇原任事發。應降級調用者。如繫營私作弊。情罪重大者。於原任內議以降調。若繫尋常因公呈誤。或情罪尚輕者。於見任內議以降調。此內有旗員。繫

營私作弊。情罪重大於原任內議以降調者。將所兼之任。一并降調。繫因公呈誤。於見任內議以降調者。仍畱所兼之任。○十二年議準。內務府官員。遇有降級調用之案。向皆議以畱任。但實降之與虛降。原有輕重。未便一例辦理。嗣後內務府官員。應議降級調用者。照例仍準畱任。外將降一級調用者。加罰俸一年。降二級調用者。加罰俸二年。雖有紀錄。不準抵銷。○又議準。叅領。副叅領。兼管佐領者。遇有因公革職之案。繫叅領任內之事。將叅領議革。仍畱佐領。繫佐

領任內之事。將佐領議革。所兼叅領。副叅領。該管大員。出具考語。具奏請。

旨。因公降調之案。繫叅領任內之事。將叅領議降。仍留佐領。繫佐領任內之事。如世襲佐領。按所降幾級。以罰佐領半俸。議抵。如公中佐領。卽行降調。如有兼銜。留其小銜。所兼叅領。副叅領。該管大員。出具考語。具奏請。

旨。因公降調之案。繫副都統以上等官。有兼佐領者。遇有因公革職之案。繫副都統等官任內之事。將副都統等官議革。仍留佐領。繫佐領任內之事。將佐領議革。

所兼副都統等官。於本內聲明請。

旨。因公降調之案。繫副都統等官任內之事。將副都統等官議降。仍留佐領。繫佐領任內之事。如世襲佐領。按所降幾級。以罰佐領半俸。議抵。如公中佐領。卽行降調。如有兼銜。留其小銜。所兼副都統等官。於本內聲明請。

旨。○又議準。武職各官。有軍功加一級者。準抵銷降二級。如遇有降一級一案。將軍功加一級。抵銷。仍給還軍功紀錄二次。軍功紀錄二次者。準抵銷降一級。軍功紀錄一次者。準抵銷罰俸一年。

如遇有罰俸六月之案。將軍功紀錄一次抵銷。仍給還尋常紀錄一次。其餘議敘加一級。或紀錄四次。或不論俸滿卽升。或卓異一次。或薦舉二次者。皆準抵銷降一級。薦舉一次。或紀錄二次者。皆準抵銷罰俸一年。紀錄一次者。準抵銷罰俸六月。至軍政應議各官。雖任內先有薦舉紀錄卓異。不準抵銷。亦不準隨帶。若軍功加級及別項加級紀錄。不準抵銷。仍準隨帶。再議處拖欠錢糧各官。任內有軍功及錢糧全完加級紀錄者。準其抵銷別項加級紀錄。不準抵銷。○

又議準武職各官有紀錄一次者。抵銷罰俸六月。如任內有紀錄一次。罰俸僅三月者。徑行罰俸。仍畱紀錄。若罰俸一年。銷去紀錄一次。抵罰俸六月。仍罰俸六月。餘均照此扣算。○十三年議準八旗武職有應叅劾者。該管大員開具事由。奏請交部。其應革職治罪者。由部覈實請旨。○又議準八旗在京驍騎校以下微員。無級可降者。如緣事應降級畱任。仍議以降級畱任。三年無過開復。若承督等案。於事完之日開復。若有數案。仍逐案開復。至應降級調用者。如在三級

以內。行察該旗。令該管官將該員居官如何之處。聲明報部。於議覆本內。將居官好者。議以革職。畱任。三年無過。開復。平常者。議以無級可降。革職。如議處之人。甫經任事。尚未定其賢否。該管官將甫經任事之處。聲明報部。於議覆本內。議以暫行畱任。仍令該管官試看一年。如能供職。報部注冊。於奉文試看之日。扣限起至三年。無過。開復。如不能供職。該管官卽行叅革。此等微員。於分別去畱具題之後。交與都察院堂官。秉公驗看。若去畱允當。卽具摺奏。

開。若將應去者議畱。應畱者議去。或內有人才可舉。或在行間會出格効力者。都察院將情由聲明引

見至外省駐防驍騎校以下微員無級可降者。該管官於題咨之日。卽將該員居官如何之處。於文內聲明。由部覆覈。將應去應畱之處。敘入議覆本內請

旨。其有未將該員居官如何之處聲明者。由部咨察該管官。俟出具考語到日。將該管官所出考語及應去應畱之處。附入彙題請

旨。以上京外八旗。無級可降。續員。如一案內降調。過於三級者。卽行革職。不準畱任。或已經革職。畱任。未經開復。又復別案降調。卽行革任。如遇降級。畱任之案。仍準畱任。逐案開復。至綠旗七品武職。乃無級可降之員。如緣事應降級。畱任者。仍議以降級。畱任。三年無過。開復。若承督等案。於事完之日。開復。若有數案。仍逐案開復。應降級調用者。該督撫提鎮。於題咨之日。卽將該員居官如何之處。於文內聲明。由部覆覈。若該員降調之案。在三級以內。於議覆本內。將居官好

者。議以革職。畱任。三年無過。開復。平常者。議以無級。可降。革職。如議處之人。甫經任事。尚未定其賢否。該督撫提鎮等。將甫經到任之處。聲明報部。於議覆本內。議以暫行畱任。仍令該督撫提鎮等。試看一年。如能供職。報部注冊。於奉文試看之日。扣限起。至三年無過。開復。如不能供職。該督撫提鎮等。卽行叅革。其有題咨文內。未將該員居官如何之處。聲明者。由部咨察該督撫提鎮等。俟出具考語到日。將應革應畱之處。附入彙題請

旨。至一案內所降調之級。過於三級者。卽行革職。不
準畱任。或已經革職畱任。未經開復。又遇別案
降調。卽行革任。如遇降級畱任之案。仍準其畱
任。逐案開復。其千總雖繫六品。遇有降二級。調
用之案。準照七品官之例行。○乾隆元年奉
旨。嗣後侍衛等差使。遇有議處。著領侍衛內大臣。卽
行議奏。○三年議準。旗員五品以上者。遇有降革
罰俸之案。該管官題叅送部。其一切因人連累
等事。該管官各叅送部。繫降調革職者。專本題
覆。繫虛革虛降罰俸者。入於半月彙題完結。至

六品以下等官降革罰俸之案。均令咨部議處。
入於彙題完結。○四年議準。內外旗員。遇有
俸之案。除原有紀錄。準其抵銷外。若任內有
敘加級。願改爲紀錄。抵銷罰俸者。準其呈明。每
級改爲紀錄四次。遇有罰俸之案。照數抵銷。其
抵銷所剩紀錄。於升任時覈明。繫隨帶之級。所
改者。仍準隨帶。不繫隨帶之級。所改者。改後抵
銷過一二次。或三次者。槩行注銷。若所改紀錄
並未抵銷罰俸。升任時準以紀錄一次。帶於新
仕。其餘一應加級。不準改抵。○又議準。在京旗

員三品至五品。因公降革。如任內無錢糧不清。及治罪之案者。該管大員。將該員降革原案。咨送都察院察覈。實屬因公者。咨回該處。由該管大員。出具切實考語。引

見請

旨。非繫因公者。無庸引

見。其外省駐防降級調用官。由該管軍都統副都統等。察明該員降調原案。咨送在京該旗。轉咨都察院察覈。實繫因公者。行文該處。將該員出具考語。咨送來京引

見。非繫因公者。仍按所降之級候補。駐防革職官。除已經在外留養者。無庸議外。如已經歸旗。亦照在京旗員之例辦理。直省副將。以至守備。因公降調者。俟交代清楚後。該督撫提鎮。出具切實考語。給文赴部。由部將該員原參之案。咨送都察院察覈。實繫因公者。由部將該督撫提鎮所出考語。並都察院察覈緣由。聲明引

見請

旨。非繫因公者。照例候補。至巡捕營參將。游擊。守備。遇有因公降革。無錢糧不清。及治罪之案者。該

統領將該員降革原案咨送都察院察覈實繫
因公者由該統領出具考語引

見請

旨非繫因公者降調人員該統領咨部候補革職者
令其回籍○又議準一事之內有兩罪名者不
必重科惟案罪名大者議處至事非一案或一
時同發或先後並發仍逐案議處○又議準檢
舉處分例內定有專條者仍照例遵行外其並
無明文者在京八旗副都統以上在外將軍都
統副都統及提督總兵官所辦事務始初無

錯誤或繫失察一經察出該部將照例
分及應否寬免之處兩議

旨其餘在京八旗叅領巡捕營叅將以下在外協領

及副將以下無心錯誤自行檢舉者各按應得

處分減等如例應革職者議以革職畱任應革

職畱任者議以降四級畱任應降級調用者議

以等一級畱任應降級畱任者議以罰俸一年

應罰俸一年者議以罰俸六月應罰俸六月者

議以罰俸三月應罰俸三月者免議本人既以

檢舉減等其該管上司均免失察處分倘所犯

之事繫有意營私別經發覺希圖減等倒提月
日及屬罪失入已行論決者雖自行檢舉不準
減等○又奏準在京巡捕營武職各官如有議
敘加級願改爲紀錄抵銷罰俸者呈該統領咨
部每級改爲紀錄四次遇有罰俸之案照數抵
銷其抵銷所剩紀錄於升任時覈明繫隨帶之
級所改者仍準隨帶不繫隨帶之級所改者改
後抵銷過一二次或三次者槩行注銷若所改
紀錄並未抵銷罰俸升任時準以紀錄一次
於新任其爲一應加級不準改單○又奏準武

職各官有一人而加數級者遇有處分按其
級年月先後依次抵銷○又議準候補候選及
議處之武職人員內如有應行呈明情節赴部
具呈聽候批示辦理具呈一次之後復行捏辭
妄瀆者槩不收錄倘實屬冤抑自赴都察院具
呈有應行準理者由都察院調取原案詳考定
例如實屬舛錯奏請更正若部內辦理未協將
堂司官奏請察議有營私受託等弊都察院卽
行察叅○五年議準八旗印房總辦俸餉及各
叅領總辦事務一年內並無遺漏逾限者將承

辦官各紀錄一次。各佐領下事務。三年內並無遺漏逾限者。將佐領、驍騎校各紀錄一次。領催族長應給紀錄者。注册咨部備案。俟得官之日給與。未得官之日。遇有過誤。將注册之紀錄抵銷。其應給紀錄者。該都統將紀錄號紙給發。於年終奏

聞咨部注册。○又奏準。武職降級畱任各官。三年內遇有罰俸者。如將所罰之俸繳完。及按季扣完者。免其扣除罰俸年限。計滿三年開復革職。畱任各官。四年內遇有罰俸者。如將所罰之俸繳

完。亦免其扣除罰俸年限。計滿四年開復。如降革畱任之員。罰俸未經全完者。各按完過銀數。免其扣除罰俸月日。若全未繳完。扣完。皆將罰俸月日扣除。計滿年限開復。○六年奏準。八旗武職該管上司。將所屬官員經管事件。並月日不行察明。謊開。以致本官革職者。將申報上司。降一級調用。將軍都統等。降一級畱任。如本官降級者。將申報上司。降一級畱任。將軍都統等。罰俸九月。本官罰俸者。將申報上司。罰俸六月。將軍都統罰俸三月。如將不應參之官。誤報題

叅未經處分。經部察出。若繫革職降級事件。將申報上司。罰俸一年。將軍都統等。罰俸六月。若繫虛降虛革。及住俸罰俸事件。將申報上司。罰俸六月。將軍都統等。罰俸三月。○又議準。王公所屬六品以下官。原繫各部補授。如有過犯。照例咨革。至五品以上官。有應革者。該王公據實叅奏。交部察議。入於半月彙題完結。○又議準。外省駐防官。有應議處之案。如例無專條者。繫將軍都統。副都統。照在京都統。副都統例定議。總管。副管。翼領。城守尉。協領。叅領。防守尉。照在

京。叅領。例定議。佐領。防禦。驍騎校。照在京都佐領。驍騎校例定議。其在京副叅領。步軍副尉。有議處之案。如例無專條者。副叅領。照叅領例定議。步軍副尉。照步軍協尉定議。○又奏準。直省武職各官。如被上司恃勢抑勒。許該員詳報該將軍。提鎮。叅。若將軍。提鎮。徇庇。或自行抑勒。許該員詳報總督。叅。如總督。徇庇。或自行抑勒。該員受屈難伸。及該省未經設有總督者。準其直揭部科。至督撫親標。及衛所各官。被上司恃勢抑勒。許詳報督撫。叅。若督撫。徇庇。或自行

欽定大清會典事例 卷之二百一十六 兵部 三
抑勒亦準其直揭部科該部科察明揭內情辭
果有實據卽行具奏事關將軍總督提鎮者交
巡撫察審事關巡撫者交總督察審事與督撫
皆關者請

旨簡命察審該上司暫免解任審明上司抑勒屬實
照例議處若明知上司訪款揭叅乘叅本未到
之先捏砌誣揭該部科察明情辭無據將該員
察明解任原揭登交總督確實察審果繫誣揭
將該員革職如該員被叅本罪輕於所誣之罪
者於本罪外仍治以誣告之罪倘本罪重於誣

告卽從重歸結○又奏準武職各官有例應議
處之案奉該管上司行取職名該員開送遲延
者罰俸一年轉催官罰俸六月若屬官例應議
處並無應詢緣由該管上司揭報遲延者按限
期處分不得藉屬員開送遲延希圖推卸至行
取例應議處職名該管官不行開送經將軍都
統副都統督撫提鎮以徇庇附叅者降二級調
用○七年議準世爵所得加級後經補授別任
其品級與世爵相等或較小於世爵者均準隨
帶若品級大於世爵將應行隨帶者準其隨帶

應改紀錄者。改爲紀錄。至職任內先得加級。後經承襲世爵。無論職任兼與不兼。若世爵品級與職相等。或較小於職任者。均準隨帶。若世爵品級大於職任。將應行隨帶者。準其隨帶。應改紀錄者。改爲紀錄。其佐領任內所得加級。後升叅領以上等官。雖仍兼佐領。亦察明應隨帶者。準其隨帶。應改紀錄者。改爲紀錄。○又議準。旗員緣事議處。應議降一級。二級。畱任兼罰俸一年。二年者。除加級紀錄。足抵降罰之數。準其抵銷外。如加級紀錄。不足抵降罰之數。將見有加

級紀錄。抵銷。仍分別議以降級。罰俸。降級之員。竢三年無過。開復。未經開復之先。卽罰俸年限已滿。止照所降之級。食俸。罰俸之員。按所罰之數扣除。○又議準。副驍騎校。護軍校等。遇有議處之案。無俸可罰。無級可降。皆以鞭責完結。罰俸一月者。鞭一十兩。月。鞭二十。三月。鞭三十六。月。鞭四十九。月。鞭五十一。年。鞭六十。降一級。畱任者。鞭七十。降一級。調用。及降二級。畱任者。鞭八十。降二級。調用。及降三級。畱任者。鞭九十。降三級。以上調用。及革職。畱任者。鞭一百。仍畱當

差。如犯革職之案。鞭一百革退。至領催兵丁有犯。如例無專條者。亦照此鞭責。○八年奉

旨。向來在京八旗武職。及外省駐防。並在京文武官員。遇有罰俸之案。準其將議敘加級。改爲紀錄抵銷。惟在外文武各官。不在此例。朕思大小臣工。雖職分有大小之殊。而以功抵過。均屬一體。嗣後外省地方文武各官。有情願將議敘加級。改作紀錄。抵銷罰俸者。著照在京文武官之例。準其抵銷。○又覆準。在京八旗武職。及巡捕營叅將以下各官。遇有罰俸三月之案。不至銷去紀錄一次者。

將罰俸之處。注冊。竝再遇罰俸三月之案。合算抵銷。○十三年議準。武職各官。若因公降革。向有送都察院察覈引

見之例。徒滋弊竇。應行停止。嗣後在京旗員。因公墜誤。至於降革。其中有辦事勤敏。人材可用。並無錢糧不清。及治罪之案者。該管大員。會同都察院察覈。如果應行引

見。由該管大員。出具切實考語。保奏引見。外省駐防者。由該將軍。都統。副都統等。出具切實考語。咨送各該旗。覈明引

見。應去應留。均候。

旨遵行。至在京巡捕營叅將。游擊。守備等官。有因公呈誤。至於降革者。其中有辦事勤敏。人材可用。並無錢糧不清。及治罪之案者。該步軍統領會同都察院察覈。如果應行引。

見。由該步軍統領。出具切實考語。保奏引見。應去應留。候。

旨遵行。○十四年奉

旨。近定因公降調人員。如以原官補用。仍將所降之級。帶於新任。嗣後引見時。如經朕特旨降補者。不

拘所降級數。槩行注銷。不必隨帶。○又覆準在京旗員二品以上。在外將軍。都統。副都統。及綠旗提督。總兵官。遇有降革。畱任之案。於年限屆滿時。各開具事由。咨部。由部察例題請開復。不必自行陳奏。○十六年議準。叅領以下等官。辦事並無遺漏遲誤者。分別給以紀錄。原屬鼓勵旗員之意。其一人兼數任者。卽給以數任紀錄。未免過優。嗣後叅領兼印房辦事。又兼佐領者。止給以叅領紀錄。佐領兼印房辦事者。於印房任內。給以紀錄。部院各官。兼佐領者。準給以佐領

紀錄其餘所兼之任均不準重複紀錄。○十九年覆準守備以上各官遇有因公降調者準以功加一等抵銷降一級免其降調。

員之意共一人
並無嚴罰
自前朝奏
擬各開具事
此法擬與官
官員二品以
欽定大清會典事例

